

此崑山吳雲甫手寫本也讀其跋語知宋刻希見亦無明
版惟昭文張氏有一鈔本稱其理該文核綱舉目張考崑山文
獻者以是二書為最古且云原書闕文頗多從陳子準藏舊鈔
本訂誤補缺始稱完善此書凌序中缺十餘字想由侵蝕後無
可綴補因就張志補十數字改正三字中惟邑人改松臞及增非度
書三字或非宋刻之舊餘則遂為完善可一快也已巳春仲正閣



玉峯志序

郡縣必有志獨崑山無之豈前人之長不及此哉期會
之事有急於此者則謂之不急也亦宜然往無所稽來無
所據識者每以為歎永嘉頌公出宰茲邑百廢具舉一
日叩圖經事以萬頃嘗緝叙一二蓋略焉而未備也掌
儀邊君九厘於搜訪遂相與編次期幸乃成本古經郡
志所珣而益以可聞目見之可考者大概公之修創增
益為多昔人以笏比甘棠後之覽者猶笏然則是志為
不徒作矣博雅之士尚訂正之邑人本懼凌萬頃叔度書

玉峯志序畢

注曰玉峯

玉峯志凡例

凡事舊在崑山而今在嘉定者以今不隸本邑今皆不載

凡碑記見存者書其名而不載其文不存者載其文

凡事有吳郡志所載與今所修不同者以今日所聞見無異者修

凡叙人物有本邑人而今居他所非本邑人而今寓居者今皆載

凡事有重見者止載一處餘書見某門更不重載

玉峯志凡例畢

玉峯志目錄

陽羨凌萬頃
陳雷邊實

卷上

沿革

縣境

縣郭

鄉鎮

四至八到

城社

山墩墟岡

水

風俗

戶口

學校

坊陌橋梁

營寨

卷中

公宇

稅賦

課利

國家圖書館, NATIONAL CENTRAL LIBRARY, TAIWAN, R.O.C.

官祖

進士題名

縣令題名

名官

卷下

古蹟

土產

封爵

寺觀

祠廟

園亭

異聞



玉峯志目錄畢

玉峯志卷上

陽羨凌萬頃

陳雷邊 實

沿革

望崑山縣古婁縣也。在禹貢為揚州之域。在周為吳。秦并天下分郡三十六。始置會稽郡。漢因之。婁縣隸焉。王莽改曰婁。後漢晉宋齊皆曰婁。屬吳郡。吳志張昭陸遜皆封婁侯。今縣東北三里。有村曰婁縣。蓋古縣也。梁天監中分婁縣置信義縣。屬信義郡。大同初郡廢。復分信義置崑山。今縣西二十里有村曰真義。蓋亦古縣治所。寓



後訛信為真邪隋平陳省吳州七縣崑山預焉
開皇十八年復置唐五代至

皇朝皆因之縣有山曰崑山陸機宅於山之陰
縣本因山得名今山乃在華亭而陸氏後又居
嘉禾按唐天寶間始立華亭縣本崑山縣地與
地記吳郡太守趙居貞奏割嘉興海鹽崑山三
縣地為華亭縣元和郡縣志由是崑山有縣之
名而山實在華亭今隸境者乃馬鞍山也故自吳
縣而分信義自信義而分崑山又自崑山而分
華亭至今猶號壯縣則昔之廣袤尤可想見縣
鄉一十四都五十二嘉定十年知府趙彥楠提

刑王棐奏分安亭春申平樂醋塘臨江五鄉為
嘉定縣今所管者九鄉二十四保而已以上以
前後漢晉宋齊梁陳隋唐三國五代史通鑑修

縣境

東西六十三里南北一百三十里

縣郭

東西三里三十步南北二里二百八十步

鄉鎮

積善鄉在縣西北三里界止三十六里第一第二
保

朱塘鄉在縣西一十五里界止四十里第三第四

保

全吳鄉在縣西南三十里界止七十里第五第六

保

泖川鄉在縣東南五十里界止九十里第七第八

保

武元鄉在縣東南二十五里界止三十里第九第十

保

永安鄉在縣東南四十五里界止五十五里第十一

第十二第十三第十四保

湖川鄉在縣東七十里界止一百里第二十一第二

二十二保

新安鄉在縣東北八十里界止一百一十里第二

十三第二十四第二十五第二十六保

惠安鄉在縣東北三十里界止七十里第二十七

第二十八第二十九第三十保

四至八到

東至嘉定縣界三十六里

西至長洲縣界二十七里

南至嘉興府華亭縣界八十里

北至常熟縣界五十里

東南到嘉興府華亭縣界一百里

東北到通州海門縣界一百五十里以海為界

西南到長洲縣界五十里
西北到長洲縣界六十里

城社

按古圖經云縣故有城在東南三百步然今縣境無城以竹木為柵相傳婁縣城基猶在其田尚有城裏田之稱墟落間以城名者舊有十二今可知者七爾

崑山故縣在縣東一里後廢今薦嚴資福寺即故基

東城在縣東三百步城雖莫考今橋巷猶以東城為名吳郡志云耕者於東寺後多得古城磚及銅箭鏃

武城在縣西北

里漢書婁縣注云有南武

城閣間起以候越今其地疑即是

金城在縣東

里城基猶在相傳云吳王所築

今猶有金城浦之稱

常熟故城在縣東一百三十里梁以南沙為常熟

縣因築城高一丈厚四尺周迴二百二十步唐

武德七年移縣治海虞鄉城遂不存

度城在縣東南七十里相傳黃巢時所築今城雖

不存猶有城濠及掘地間得城磚

西鹿城即今土山山下有卜將軍廟墓碑云死葬於西鹿城

巴城在縣西北十八里其地有巴王墓莫詳其因
雉城在縣西北里

東林城在縣北十八里

顏縣城 瓦浦城 二城並古經所載

社壇在縣西南二百九十步淳祐壬子知縣頌公
澤重修仍建齋宮有記

山 墩墟岡

吾邑因山得名玉出崑岡蓋所以比機雲也今山隸華
亭邑所有山實名馬鞍山近來以來得石鏡之則瑩潔之
態儼與玉同得非地因人勝而馬鞍山可以出玉邪當
有機雲若人者出庶不負此山云

古崑山在縣東南高一百五十丈周迴八里陸機
居此山機思鄉詩云彷彿谷水陽春戀崑山陰
今屬華亭縣

馬鞍山在縣西北三里高七十丈山上下皆擇勝
為僧舍雲窗霧閣間見層出不可形容繪畫吳
人謂真山似假山最得其實大略見張祐孟郊
詩及蒼嶼所作圖序皇祐中王荆公以舒倅被
旨來相水利夜秉炬登山閱張孟詩和之遂為
山中四絕登臨勝處古上方為冠月華閣妙峯
庵次之山之中又有翠微連雲凌峯垂雲凌虛
凝雲諸閣及芝華豐年凌虛諸亭夕秀壑雲翠

屏翠茂雷雲諸軒名公各有詩見雜詠 淳熙

間月華先熱上方次之今或存或廢者不一

土山在縣西北一里周迴一里高三丈又名南山

上有卜將軍廟詳見祠廟門

秦柱山在縣南三十里南帶海上有烽火樓基吳

時以望海寇吳錄云名秦望山昔秦始皇嘗登

此望海今在千墩寺佛殿後高二丈

娒婦山在縣東十八里周迴四十步高一丈五尺

上有娒婦廟今大駟村有女娒廟山不存

趙靈山在縣西南三十里吳淞江南興福寺佛殿

後高一丈五尺

佳日卷四本

馬鞍山之西坡田中有石涌出高六七尺上亦有

古樹父老相傳此是崑山不知何所據姑存以

俟質證

綽墩在縣西十八里古老相傳唐黃幡綽墓在焉

因名綽墩

青墩在縣北 里

塘墩在縣東北 里大海橫泖之口

尖墩在縣東 里

天女墩在縣東南十八里地名洪莊村墩上下皆

茅葦堆中間一路若有人行者雖植草不生相

傳有天子之女葬於此莫詳世代墩中有金龍

舟每風雨夕即聞金鼓聲有一村民夜過其處見所謂龍舟者攫取之僅得一人像長可尺許既歸即大病後取所攜像置水濱明旦起不見病亦尋愈嘗有強暴欲發視為毒蜂飛火逐之不果

縣東北三十里地名木瓜其地數十里內有墩九百九十有九村人嘗往發之得金玉之類至縣東南十墩浦亦有一墩於是轉木瓜墩數號十墩浦一說吳淞江自吳門至十墩浦江之南北凡有墩共一千故謂之千墩二說未知孰是姑存以俟來者質證之

卷之三

戴墟在縣里

丁墟在縣東十里本名兵墟今俗訛為丁墟非也高墟在縣西十五里今盛氏園中有小山高丈餘中亦隱、有石

石墩在縣東南六十里

十八里墩在縣西南十八里至和塘傍

廟墩在縣西南十二里

湯墩在縣東南六十里

唐墩在縣東南里與松江之側海口之塘墩

名同而地異

相墩在縣西南里

長墩在縣西北十五里

青岡在縣東北四十二里

五家岡在縣東北五十二里莫詳五家之因今村落中實為大姓恐以五賈名岡亦未可知

吳郡志考證外岡青岡五家岡蒲岡屬崑山以證

舊經之誤今外岡蒲岡又分屬嘉定云

邑自太倉以東有所謂堰身者曰太倉堰身上堰身下堰身歸胡堰身官路堰身凡五堰身又有所謂堰門曰彭堰門潘堰門曲堰門大堰門秦堰門應堰門馮堰門金堰門賈堰門邵堰門吳堰門顧堰門下堰門凡有十三堰門其地孰皆

高峻與常州地形相等或謂堰門有路直通南京今止聞歸胡堰身之稱未知孰然當必有博古君子為之辨證云

水

吾邑素號澤國襟帶江湖朝宗於海而潮汐又往來於旦晝故雖間有水旱而田無不登比年以來豪家執戶圍田湖中者大半而江湖旁諸浦多為堰以阻其流由是水執不相入中間屢嘗開濬而淤堰如故識者皆病之若至和一塘由是以達郡者其壅塞尤甚疏而通之當必有為國家任事者出云

吳松江在縣南九里古禹貢三江之一也書曰三

江既入震澤底定韋昭以為三江者松江浙江
浦陽江也今浙江與浦陽江不相入韋說非也
史記正義謂三江者在蘇州東南三十里名三
江口一江西南上七十里至太湖名曰松江古
筮澤江一江東南上七十里至白蜆湖名曰上
江亦曰東江一江東北下三百餘里入海名曰
下江亦曰婁江於其分處號三江口顧夷吳地
記云松江東北行七十里得三江口東北入海
為婁江東南入海為東江并吳松江為三江口
是則今所謂吳松江乃古婁江也然有新舊江之
別嘉祐間吳中水災時李兵部復圭為轉運使

卷一百一十五

韓殿省正彥寧崑山開白鶴滙如盤龍滙之法
縣丞沈某略灣取直以開新江邑舊有所臨江
鄉今隸嘉定者是也江之執東入於海西入於
松江太湖南入於陳湖等瀆北入於鰻鱗湖等
瀆江之南北隸於邑者凡有六浦四十二隸他
邑者不在焉南則有石浦道謁浦蕭氏浦金竈
浦千墩浦陸浦張浦棠梨浦同立浦諸天浦張
潭浦凡規浦六直浦甫里浦渡頭浦東齋浦剡
力浦界浦北則有界浦真義浦黃瀆浦薛莊浦
樂浦心清浦華翔浦梁里浦大虞浦小虞浦社
城浦廣浦馬仁浦天明浦下駕浦木瓜浦顧幕

浦金城浦三林浦瓦浦此矮浦徐公浦安亭浦
顧浦又有小港支派入於江湖者不一也

新洋江在縣東南六里本有故道錢氏時嘗浚治
之其源出於松江而其流溉於岡身中有橫塘
通小虞浦其餘支派皆通運河

陽城湖包湖傀儡蕩三水合為一在縣西 里

其所通之浦凡九曰吳涇真義浦黃浦朱昌涇
則在其南曰張耑涇曰元涇曰城涇曰尤涇雒城
涇則在其北自尤涇雒城涇入於大虞梁里浦
則南入於松江諸湖濼惟此最廣
百家濼大駟濼二水合為一在縣北 里南白

佳。卷四下

新洋江入於松江西自牛尾涇清水港櫻桃塘
入於鰻鱓濼東自岳力湖川塘會於鴨頭塘直
入於海杜漕涇對張涇入於岡身有百家濼詩
見雜詠

鰻鱓湖在縣西北十八里南入於小虞浦北入於
江家濼西亦可入陽城湖

江家濼在縣西北二十里又在鰻鱓湖北
澱山湖在縣南八十里北自磧磯塘入于墩浦入
於吳松江

陳湖在縣西南七十里北自界浦渡頭浦入於吳
松江

朱窠瀼在縣南三十里北自東宿西宿兩浦會於
崇黎浦入吳松江

度城湖在縣東南七十里北自石浦道揭浦蕭氏
浦入於吳松江

小虞浦在縣西柵外已附見於吳松江入郡而趨
江者由是而往與新洋江相對於松江之東北
諸塘浦惟此最深濶

至和塘自縣西柵至界首凡二十七里舊名崑山
塘從古為湖瀼多風濤 本朝至道中邑人朱
珏父子嘗論其事太守陳令公嘗按行之以費
浩不果皇祐中發運使許公嘗建此議朝廷差

殿中丞王安石相視又會事不果至和二年知
縣錢公紀始修治成塘遂以年號名

丘與權至和塘記吳城東圍距崑山縣七十
里俗謂之崑山塘北納陽城湖南吐松江由
隄防之不立故風波相憑以馳突廢民田以
瀦魚蠶其民病賦入之浸蠹相從以逋徙茲
人緣之以邀劫行旅通鹽賈以自利吏莫能
禁父老相傳自至今三百餘年欲有營作而
弗克也有宋至道二年陳令公之守蘇嘗與
中貴人按行之邑人朱珏父子相繼論其事
為州縣者亦繼經度之皆以橫絕巨浸費用

十數萬緡中議而沮皇祐中發運使許公建言蘇之田膏腴而地下嘗苦水患乞置官司以試洩之請令舒州通判殿中丞王安石先相視焉朝廷從之王君既至從縣吏挈荒梗浮輕沮訊其鄉人盡得其利害度長繩短順其故道施之圖繪疏曰請議如許公朝廷未之行也至和初今太守呂公既下車問民所愁苦蓋有意於疏導矣明年與權為崑山主簿始陳五利一曰便舟楫二曰闢田疇三曰復祖賦四曰止盜賊五曰禁姦商其餘所濟非可以勝擬願約古制役民以興作經寡費

而售效速若其不成請以身塞責既而令錢君復言之太守嘗念所以興利之計喜其謀之可從於是列而上聞其副以決於監司乃誠傭力經遠邇興屯舍宿餼薪既成以授有司郡相元君實總之粵十月甲午治役先設外所以遏上流立橫埭以限之乃自下流浚而決焉畚鍤所至皆於平陸其始戒也徧風號霆迅雷甚雨乃用牲於神至癸巳夜半雨息迨明休霽以卒其役人皆以為有相之者始計月餘蓋旬有九日而成深五尺廣六十尺用民力纔一十五萬六千工費民財

貫米纜四千八百石為橋梁五十二蔣榆柳
五萬七千八百其貳河植芟蒲芟葉楫是計
其入以為修完料民之餘治小虞自嚴村至
於鰻鱧濼治新洋江自朱澤注至清港治山
塘自山南至於東浚諸注六十四浦四十四
塘六於是陽城諸湖濼皆通而及江田無滄
瀦民不病涉矣初治河至唯亭得古閘用栢
合抱以為樞轂古渠況今深數尺設閘者以
限松江之潮勢可耆舊莫能詳之乃知昔無
水患由隄防之廢則有之嗚呼為民者因循
而至此乎是役也自城西走二十里曰任浦

崑山治其東長洲治其西以俗名非便於是
論請更之曰至和識年號也建亭曰乙未紀
歲功也太守嘉其有成謂與權實區於其
間其言必詳命之為記嘉祐六年十一月立
於乙未亭

然塘雖成陸塗猶未備有獻計者就水中以蘆
篠為牆兩行相去三尺去牆六尺又為一牆亦
如此澆水中淤泥實蘆篠中候乾則以水車畎
去兩牆間舊水牆間六尺皆畱半以為堤脚掘
其半以為渠取土以為堤每三四里則為一橋
以通南北之水於是岸始備

嘉祐三年知縣韓正彥同運使李復圭重修熙寧間邑人郝宣上奏欲治不果其後開浚者不一塘之南北凡一十七浦南則自小虞浦六虞浦真義浦以通於江北則自小虞浦梁里浦尤汪高塘汪朱昌汪黃瀆浦進義浦吳汪以通於湖濼近辛壅塞為甚登舟者直至界首或從江湖迂環而轉則又有風濤之虞云

江湖亭諸浦既各附見吾鄉號為澤國按圖而索鼓棹而游凡塘浦汪港之可紀者在積善鄉則有至和塘太倉塘許墓塘顧墓塘交湖塘漢浦塘六河塘櫻桃塘橫塘山塘官塘四塘斜塘婁

縣上下塘大小虞浦溢瀆浦新漕浦李箕浦馬仁浦李祿浦熊莊浦老子浦浪墅浦迎鐘浦潭市浦朱明浦莊浦葛浦曹浦廣浦馮浦寒浦丁浦汪陳段汪牛尾汪聰明汪邵黃汪黃墓汪石人汪吳汪景汪鄭汪丁汪盛汪清水港斜港朱塘鄉則有駙馬塘雉城塘聖王塘古塘官塘黃瀆浦界浦下里浦景浦蔣浦心瀆浦平洛浦華翔浦韓溪浦石榴浦東西羅浦淙浦趙浦上元汪顧市汪師姑汪鰻鱧汪施澤汪黃苒汪溫蕉汪五十汪二十汪雉城汪全吳汪大小南汪羊了汪羅莊汪朱舍汪大涓汪黃蘆汪東西吳汪

楊巷泾尤泾倉泾殷泾張泾新泾廟泾相泾橫
泾光泾武城東西港莆港全吳鄉則有曲塘浪
浦漁漣浦甘子浦新漕浦宿浦季星泾界泾新
泾邵泾徐泾泮川鄉則有石塘曲塘古塘磧磯
塘橫泾塘大小石浦陸虞浦十墩浦若里浦善
浦道褐浦白段泾坊巷泾小錢泾陶墩泾八十
泾寺泾廟泾度城泾張泾大漕港武元鄉則有
茹律塘王孝塘車塘太小湖浦白雉浦豐瀆浦
張六浦北弓浦夏侯浦平巷浦大小瓜瀆浦天
明浦黃墩浦桃仁浦小桃仁浦茅老浦東茅老
浦宋浦市浦徐浦城餅泾邵莊泾東全泾大小

橫泾黃鄒泾小蔣泾西陽閭泾陳從泾黃泥泾
泾彭段泾泥橋泾莫葉泾廣丁泾獨兜泾新豐
泾馬新泾陳顏泾陸巷泾汪莊泾南北殷泾馬
塘泾菱段泾顧臯泾胡浦泾西白段泾東陽泾
四段泾新泾葑泾殷泾趕泾郭泾戴泾趙泾莊
泾李泾甲泾何泾巷泾腰港永安鄉則有鷄鳴
塘王孝塘郭澤塘曹塘橫塘黃墅浦三林浦顧
幕浦瓦浦小瓦浦北澥浦潘孫浦大小須浦陳
連浦白填浦徐公浦大顧浦金竈浦鴨善浦木
瓜浦北陳浦白鶴浦武柔浦眉浦鄒浦蔡浦彭
浦蔣浦姚浦楊浦究浦蘆浦金浦嚴莊泾張師

徑中城徑石丫徑官路徑新開徑田晏徑東西
潘徑廟丫徑朱洞徑馬湖徑運水徑泗橋徑陸
緒徑安亭徑朱村徑據莊徑文段徑南文段徑
鯽洞徑流浪徑廟徑丫鮑徑若墩徑謝湖徑牛
洞徑韓村徑塘子徑莊墓徑董段徑螺螄徑朱
至徑潮庭徑黃丫徑寺徑丫徑北徑談徑蔡徑
馬徑丫徑刀徑全徑戈徑汗徑鮑徑吳徑陸徑
朱泗港湖川鄉則有湖川塘六里塘新塘東西
花浦崔漕浦瀉漕浦馬漕浦大赦徑凡莊徑李
黃徑十步徑桃源徑斗門徑南北陳徑南北朱
徑黃思徑吳六徑陸婆徑雙湖徑馬路徑磨場

徑杭徑陶徑吳徑曲徑眉徑湯徑沈徑顧徑橫
徑蕩徑界徑褚徑十二港巷港新安鄉則有半
徑塘鹽鐵塘杜漕塘葉徑塘鴨頭塘七丫塘小
七丫塘古塘洪塘上花浦浪港浦戴浦大路徑
寺塘徑六尺徑八天徑李漕徑梅園徑東張徑
寨盤徑楊園徑石孔徑朱望徑薄秀徑周孫徑
尋楊徑東西楊徑通船徑頌王徑南北馮徑謝
莊徑杜陵徑杜令徑龔伯徑馬舍徑大讓徑頌
脊徑花浦徑蔡墓徑磨羅徑袁門徑鄒段徑司
馬徑鄭徑丁徑新徑鬼徑寺徑楚徑錢徑廟徑
金徑康徑滌徑黃徑通商港楊林港陶家港東

吳港奚落港三王港直北港斜港施宗義港
港吳港施港陸文宗港王守宣港沈宗_港孫昉明
港沈港曹港石港盧港孫港中港陳港裴_港惠安
鄉則有上吳塘吉_港泥塘官塘快塘新塘古
塘白_港亭浦大_港潮浦盧福浦袂浦中趙浦南_港北趙
浦五莊浦小朱_港因丹_港恬靜_港中洛_港迳東西
杭_港迳徐_港夏公_港迳車漕_港迳張鳥_港迳小半_港迳大
王_港迳菱門_港迳西半_港迳浪市_港迳錢_港迳湛_港迳朱_港迳周
迳張_港迳橫_港迳姚_港迳盛_港迳時_港迳徐_港迳孟_港迳湯_港迳葑
迳新_港迳苑_港迳斜塘港章五港斜港合九鄉而言
之凡為塘四十七浦一百單八迳二百五十港

三十九共四百四十有四皆名隸郡籍者而所
謂某家港某家迳之類皆不在此數

風俗

崑山自昔號壯盛吳諸邑之最繁劇者大抵其俗
仍太伯季札之風崇尚禮遜無復好劍喜名爭
鬥之舊其民務耕織有常業然多奢少儉競節
物信鬼神歲節山寺有歲懺為佛會一月士女
駢闐車蓋相屬上元取燈於郡所謂萬眼羅疏
瑤之類甲天下燈景月色照耀里陌歌舞簫鼓
連夕不絕二月望景德寺有釋迦涅槃雙林會
尤盛自三月旦爭往嶽祠拜祈禱賽四月八日

尼寺設飯茶供名無礙會是日浮屠浴佛遍走
問里望日山神誕縣迎神設佛老教以祈歲事
并社為會以送神自山塘至邑前幕次相屬紅
翠如畫他州負販而來者肩袂陸續後兩日則
觀角觝於山之西八月望西津觀潮縣設酒於
問潮館綵旗潮觀者如堵十月朔謁墓如寒食
不拜朔謂之鬼節俗重冬至親朋饋送文馳於
道臘月二十四日祭竈婦女於二十五日食赤
豆粥下至婢僕貓犬皆有之有出外者亦分及
名口數粥是日爆竹驅儼田家然炬名照田蠶
歲節祀先用除夜熬蒼朮辟瘟丹家人的酒分

歲夜分祭瘟鬼易桃符向明打灰堆飲屠蘇此
一歲風俗之大略惟歲節冬至縣令率鄉之官
貴士人聚拜於學之明倫堂會茶而散禮儀雍
雍長幼有序自樂庵李公行之至今五六十歲
則他邑所無今令尹頊公澤又捐金置祖以充
所費云

戶口

古經載祥符間主戶一萬三千七十八客戶三千
二百七十主丁一萬五千三百八十九客丁三
千三百單三慶元間主戶三萬五千二百四十
二客戶三千七百視昔已多今主客共四萬五

千三百六十八戶一十三萬四千五百口較之
古經蓋將數倍生齒日繁則邑之壯盛可見云

學校

縣舊有文宣王廟在東南七十五步中以兵火廢
唐制郡邑得廟夫子大曆九年大理司直王綱
為令始立學於廟垣後黃巢之亂更五代五六
十年不建至雍熙間縣令邊敞因遺址重立廟
闕闕甚麗狀十哲於焉王禹偁為記景祐初范
文正公請立郡庠於是縣亦有學元祐間知縣
杜宗始建在縣西南二百九十步紹興間知縣
程沂重修張九成為記郡守蔣堂名講堂為致

道仍書學扁隆興間知縣李結淳熙間知縣葉
子強周承勛紹興熙間知縣李綢重修各有記
慶元間知縣章萬里改致道堂為明倫嘉定間
知縣巫自修重建大成殿近知縣徐聞詩重修
重書學扁學有齋六曰居仁由義履信教忠成
德致道自知縣徐聞詩立月書季考之式而累
改又益置學田由是教養兩備云

唐梁肅學記學之制與政損益故學舉則道
舉政汙則道汙崑山吳東鄙之縣先是縣有
文宣王廟廟堂之後有學室中辛兵饑荐臻
堂宇大壞方郡縣多故未遑繕完其後長民

者或因而晉之以民尚未泰故講習之事設而不備大歷九年太原王綱以大理司直兼縣令既釋奠於廟退而歎曰夫化民成俗以學為本是而不崇何政之為乃論三老主吏整序民飾班事大啟室於廟垣之右聚五經於其間以邑人沈嗣宗躬履經學俾為博士於是遠邇學徒或童或冠不召而至如歸市焉公聽治之暇則往敷大猷以稽之博考明德以翼之優而柔之使自求之揭而厲之使自趨之故民見德而興行之於鄉黨洽之於四境父督其子兄勉其弟有不被儒服而行

莫不恥焉僉曰公主於設教嚮其本不墜其末易其俗不失其宜也傳曰本立而道生昔崔瑗有南陽文學志王粲有荊州文學志皆表儒訓以著不朽遂繼其流為縣學記俾來者知吾邑經藝文教之所以興是歲龍乙卯公為縣之明年也大歷十年 月

學祖米

舊管二百四十石

知縣樓條置八十六石六斗七升

知縣項公澤置一百七十一石六斗二升

內一十八石二斗九升係充茶會用

學祖錢

舊管三十六貫一百五十文

十八界二貫文足

坊陌橋梁

里有坊坊有扁所以識道里示觀瞻也邑舊有坊
四曰光化平樂招賢永昌有市二曰都場永安
皆舊經所載今莫詳其所淳熙甲辰文節衛公
魁天下始建坊石浦令尹頊公澤下車以來百
廢具舉捐金勸民為坊凡三十有二扁皆前簿
吳堅所書遂為邑之北觀近民坊近民館西覽
德坊主簿廳東平政坊陳老橋北對縣武甯坊

尉司衙東成達坊縣學東朝京坊西柵朝宗坊
南柵婁豐坊北柵玉鎮坊山前忠正坊趙忠簡
府前登平坊倉巷春和坊平橋東登春坊柵巷
日新坊前新街又新坊後新街通德坊鄭大資
府前安定坊安定橋西太平坊太平橋南積善
坊甫庫橋南富德坊甫庫橋北儒學坊茅家橋
東寶信坊寶月橋南貴德坊通闡橋東德潤坊
後市橋南明德坊後市巷西餘慶坊尊菜橋東
厚俗坊陳老橋東片玉坊陳老橋西安榮坊姚
家巷南興仁坊東城巷南惠政坊西市巷南進
賢坊醋庫巷南

縣以市名者二曰市心曰後市市心在寶月橋之南後市在後市橋之西

縣以巷名者二十有七曰社壇巷醋庫巷東寺巷西寺巷北倉巷東城巷弓子巷華亭巷後寺巷周廳巷項容巷姚家巷金童巷秦家巷潘家巷鄧家巷章家巷郁家巷辛家巷孫家巷明王堂巷李侍御巷顧二耆巷陳賣羊巷楊編筭巷柴巷熱巷

縣橋梁之有名可紀者近七十而郭外者不在此數寇行橋舊經縣東橋太平橋並縣東張家橋縣西平橋秦迪橋酒坊橋陳老橋望江橋並縣

南北倉橋山溪橋泉安橋並縣北釘行橋菜行橋魚行橋崑山寺西板橋鎮東橋紹法橋廟堂東橋廟堂西橋慈濟橋釘行橋以下並舊經秦蔡橋唐家橋朱辛橋廣濟橋寶月橋通闌橋姚家橋後市橋永福橋甫庫橋茅家橋東城橋悲濟橋羅漢橋鑽龜橋蝦蟆橋並縣東南惠政橋進賢橋進福橋舜亭橋積善橋高平橋迎仙橋景德寺橋駟馬橋迎恩橋滎陽橋進儒橋普通橋陸家橋送塔橋無不利橋並縣西南戊己橋富春橋望山橋萬壽橋安定橋迎壽橋流慶橋慶元橋萬壽橋並縣東北全相橋舊經清風橋

明月橋半山橋見山橋鼇峯橋慧聚寺橋並縣西北

營寨

古開江第二指揮在縣西南二百八十五步元額五百人創於嘉祐間自朱勗進花石綱盡奪營卒以往其營遂空紹興二十八年知府蔣琛言於朝

省劄節文太湖者數州之巨浸而獨泄以松江之一川宜其勢有所不達是以昔人於崑山之東開二十一浦分而納之海後為潮汐沙積而開江之卒亦廢天聖間漕臣張綸嘗

於崑山縣開衆浦景祐間郡守范仲淹亦親至海浦開五湖政和間提舉趙霖又開三十餘浦此皆見於已行今諸浦湮塞又非前比平江積水兩月未退乞於崑山縣招填五百人仍並開江指揮移之

後徙於府至今府之隸役猶有開江兵士之日而邑之營地遂改為常平倉又改為觀風館又改為全吳驛又改為務官廳廳廢今隸縣學

楊林寨在縣東北八十里地名苗涇村紹興四年置

玉峯志卷中

陽羨凌萬頃
陳留邊實

公宇

公宇觀瞻所係政令出焉唯不以傳舍視之則一日必
昔有興無廢此邦公宇素壯麗非他邑所可及鼓樓重
甍繞兩稔若近民館賞心樓則前所未有今令尹頌公
澤所建云

縣衙在縣內正北紹興二十六年知縣程沂重建
舊傳孟尚書舍宅為之故今猶祠孟於縣門內
之東

鼓樓嘉熙丁酉七月圯於大風因循十餘年屢更令不克造淳祐丁未知縣徐聞詩嘗興材植欲造不果己酉知縣樓條市大木別建視昔高廣今侍郎樓公治書額

頌春宣詔二亭在縣樓左右紹興三年知縣李稠建

平政堂在縣治內舊名琴堂知縣李伯長改今名有詩見雜詠

讀書堂在縣治內知縣葉子強建有詩見雜詠知縣李伯長改今名

松竹林在縣治內知縣項公澤建

縣圃在縣治內之東知縣葉子強瓶中有錦香絃歌蘊暉亭有詩見雜詠

縣丞廳在縣治之東主簿廳在縣治之西廳事後名西堂久皆頽圯扁亦不存淳祐己酉主簿吳堅重建名覽輝堂又新創高士軒於廳事之西

縣尉司在縣南五十步舊有隱齋笑月亭今翠軒皆縣尉王齋興建有詩見雜詠淳祐乙巳縣尉陳肖孫創書院於廳事之東

教場在衙內之西舊有立武亭後廢淳祐壬子知縣項公澤重建

監務廳在縣西南二百八十五步今廢

殿丞解舍在縣西南今廢

巡塘解舍在縣西南今廢

問潮館在縣西南二里四十步知縣葉子強建以

識潮過唯亭出狀元之識淳祐辛亥知縣項公

澤重建

觀風館在縣西南二百八十五步知縣李稠建嘉

泰間改名全吳驛今廢地隸縣學

近民館在縣樓之東淳祐庚戌知縣項公澤建

新江驛今廢

縣倉在縣東北百步

常平倉在縣西南二百八十五步今廢

酒稅務在縣西南二里

商稅茶鹽場在縣東南一百步今廢

醋庫在縣西南

戶部漳浦酒庫石浦酒庫新安永安酒庫名以贍

軍吏部揭款注官課入版曹而兩浙漕臣提領

其事月解徑詣臺縣無預

安懷坊在縣東北一里十步淳祐辛亥知縣項公

澤建

春和樓在縣南五十步淳祐己酉知縣項公澤建
賞心樓在縣東南市心本民居淳祐庚戌知縣項

公澤置徹而新之視春和樓尤為雄壯

稅賦

田^地有賦此常制也土地綿袤故賦稅盛多考之古經景德祥符間夏稅丁身鹽錢三十六萬餘貫絹一萬五千三百匹細七百七十匹綿一十三百屯秋苗米一十萬有奇慶元間夏稅倍其數綿十倍之秋苗則益以半八千石自嘉定分治東邑賦隨地遷由是歲輸減半今列見管

秋苗

額管五萬九千八百四十七石五斗九升內糯苗六千二百一十四石三斗八升八合折苗四

千七十四石二斗二升自淳祐以來平苗十石以上及折苗糯苗皆在府倉輸納平苗十石以下在縣倉輸納郡又差吏監厥以平苗月據所納多寡徑支散許浦水軍縣不預仍以折苗一千一百五十三石八斗五升借縣務充糴糶酒本然埭江事故荒白及改為圍營沒官等田者甚多故每歲所催合三色僅及五萬餘石餘該蠲放

夏稅

折帛和買錢六萬三千一百三十三貫九百五十二文然埭江事故荒白及改為圍營沒官等

田者甚多故每歲所催止四萬餘貫

役錢

縣管催積善朱塘全吳湖田新安惠安鄉共六千六百五十貫一十二文縣丞廳管催泮川永安武元鄉一千九百九十貫五百文

課利

稅賦之外有課利所以供帳板計等錢而所取辦者酒稅而已酒息之多寡視令之能否不可以一定論若稅錢輸納自有成例云

使府板帳錢

正月二月分各三十一百五貫九百八十四文

三月分四千九十一貫二百七十六文

四月分四千九百五十八貫九百六十五文

五月分五千二百九十四貫六百八十五文

六月分三千八百四十四貫六百八十五文

七月分五千三百三十五貫八十五文

八月九月分各四千一百七十八貫六百二十

六文

十月分三千三百四十二貫四文

十一月十二月分各三千三百四十一貫七百

四文

以上並五分十八界會五分見錢解發

使府下網錢

正月二月三月十月十一月十二月分各八貫

四百文省錢

四月五月六月七月八月九月分各九貫六百

文省錢

通判廳版帳錢

正月二月分各一千二百七十四貫六百六十

文

三月分二千四十四貫九百五十一文

四月分二千七百五十八貫二十七文

五月六月七月八月分各

九月分一千九百七十八貫七百三十文

十月十一月十二月分各一千二百七十四貫

六百六十文

以上並五分十八界會五分見錢解發

具上件守俸廳錢會並係酒息樁辦

通判廳役錢

每月分二百五十貫文

通判廳五六分錢

每月分一百五貫四百三十八文

並係五分十八界會五分見錢解發

通判廳五分頭子錢

每月分一十貫分文 錢會中半

以上三項以役錢及坊橋辦若不足則以酒課湊發

通判廳截撥下綱錢

正月二月分各三百六貫二百六十文

三月分五十一貫一百九十二文

四月分六十六貫八百一十二文

五月六月分各七十一貫六十文

七月分六十九貫九百八十四文

八月分六十四貫六百五十文

九月分五十一貫七百七十五文

十月十一月十二月分各四十貫五百十二文

以上並係十八界會

遇大禮宰分解發使府五百一十三貫七百文

十八界錢會中半

遇大比宰分解發使府二百貫文 十八界會

使府不排辦人使錢

每歲二百五十貫文 十八界會

以上並以本縣酒息橋辦

提刑司吏祿錢

每月八十八貫七百四十三文 三分錢七分

十八界會

提舉司吏祿錢

每月七十六貫六百文 十八界錢會中半

以上二項催湖川鄉役錢并雜色錢湊解

提刑司接官頭子錢

二百貫文 十八界會支過接新憲時行下支

發

提刑司職祖頭子錢

每月四十七貫二百六十四文 十八界錢會

三七分

通判東廳職祖頭子錢

三百十三貫七百十九文 十八界錢會中半

通判西廳職祖頭子錢

三百三十八貫七百九十四文

以上四項並於職田頭子錢樁辦如不足則以職田米撥糶湊解

官租

官租名色凡十曰朝籍園田 舊隸安邊所 版帳園田 舊

隸本縣以助版帳月解績淮東總領徐椽取隸總領所

而版帳月額不減沒官田 舊隸憲倉兩司 常平官租 舊

隸倉司 投買常平官租 舊隸本府草蕩園田 營田 沙田

沙地塗田 舊隸倅廳 舊例園田 每畝二斗沒官田 每畝

五百省錢 投買常平田 營田 每畝六升五合自淳祐七

幸尚書省置田事所差幹辦公事葉啟馮端符知縣樓
條并量於是又增新績改正兩項圍田雖嚮之隱賦不
輸者皆不可逃然祖額比舊增多圍田畝四斗營田沙
田投買常平田每畝三斗塗田每畝二斗沒官田依鄉
原例斗器不等圍蕩營蕩沙地每畝十八畝一貫並隸
田事所近淳祐庚戌又以新舊籍圍田常平田沒官田
沙田營田隸淮東總所若田畝之虛實祖額之重輕又
可未以一歲為定後之能察民瘼者核而上聞民之幸
也

諸色圍田祖米六萬七千二百九十三石六斗

營田祖米一萬八千一百八十石一斗二升

沙田祖米一千四百四十四石七斗一升五合

新舊籍沒官田祖米四千七百九十九石一斗四

升五合

常平官田祖米二千一百八十二石一斗四升

投買常平官田祖米一千七百一十石

蕩錢一萬七百貫六百六十五文

學田祖米見學校門

職田

知縣四百四十六石六斗一升

縣丞三百四十四石五斗八升

主簿二百三十九石九斗七升

縣尉二百二十九石八斗九升
監務一百八十七石四斗七升
楊林巡檢一百三十一石七升

以上並省斛

安懷坊租米五百二十四石六斗九升五合項
知縣任內用錢交易置到 係一百三十合
足斛

獄糧租米九十石四斗內一十五石六斗項知
縣任內用錢交易置到 係一百三十合足
斛

縣令題名

自梁以來邑宰以善聞者見名官條至
本朝而復有題名碑具焉自邊倣至汪稽中則葉子強
為記自趙汝樸至今則周寗為記碑在縣廳之東

邊倣

李維

李垂則

蓋上行

梁適

陳從直

張方平

李安

徐執中

錢公紀

韓正彥

錢認

高保行

吳安度

沈遼

顧中

杜操

葛永

侯渙

李乘

錢景邈

周擬

鮑朝賓

姚舜明

郭淵

蓋璵

黃浩然

梁澤民

孫承

吳昉

孫疇

舒邦弼

邵相	董將	施燠	俞彥興
劉澈	張漢之	魏彥樞	祝振卿
邵序	莫伯虛	朱端稟	胡喆
張鎮	程沂	湯松羊	胡廷傑
羅肇	徐譚	李結	裴定
黃鏐	劉燠	聞人太雅	汪琛
葉子強	王子濤	邵褒然	劉藻
邵輔	張真卿	周承勛	孫僑
李綢	翟昞	章萬里	吳際
潘友文	徐挺之	章定	林晉之
芮度	應復之	汪稽中	趙汝樸

周寯	馬自強	巫自修	趙汝鄧
李枕	趙善昌	李伯長	張晉之
楊爽	薛儀著	周逢漢	林靖之
王伯深	陳宣子	潘彙征	張應運
徐聞詩	樓條		

名宦

蔽芾甘棠勿剪勿伐民之去思也自梁及今官於是者凡幾人今以可書者表而出之使後來者慨慕遐想罔俾專美於前實一邑所望云

梁陸慶少好學通五經尤好左氏春秋節操甚高仕為要令以善政聞

唐王嵩嘗為
邑丞其子適有
士也與韓退之
善昌黎亦不有
王適言志銘

唐王綱以大理司直充縣令政務化民始建縣學有
梁肅記見縣學門

孟廷份為尉能詩郊之父生郊於此後以詩名於
世

權立為主簿德輿之從兄敏於學行薄於官情德
輿嘗作序送之

劉綺莊為尉研窮今古博考傳記作類書百卷行
於世名崑山尉

韓邊倣雍熙初為令因舊制新作夫子廟自是廟學
復興時淮海王如京師方獻圖籍上聞倣之賢
賜鹽書獎勸

張方平景祐中為令時吳越歸國未久前此豪民
占田者多積訟有數十年不決者公召問所輸
幾何大率百纔一二乃悉收其羨田以賦貧民
訟亦息時蔣希魯守郡得其所著易義論上之
遂舉賢良科

韓正彥字師德魏公之姪嘉祐中為令創石堤疏
斗門作塘七十里以達於郡得溉田數百頃又
請以輸州之賦十三萬作便輸於縣鳩造塘餘
材為縣倉民大悅比去為立生祠作思韓記

張漢之為令其父兩為憲漕五領郡符而家極清
貧漢之政務寬厚尤緩於索租邑人戲為言曰

渠家自來無此故不欲與人索也

潘友文字文叔東萊先生之友為政寬厚慈祥愛人俗呼為潘佛子秩滿爭結綵樓於路號曰去思植桃於山題詠甚多見雜詠

王萬樞韶之曾孫遂之父為尉得海盜濫格吏請出郊以應親獲之文萬樞據實却之其有守如此

陳璧字君玉為主簿留意教養開學以作成士子講論勸勉不憚其勞邑人造問者無虛日所成就極多

進士題名

慈恩千佛之經所以侈同登而勉方來也進士題名叙先後科甲吾邑為尤盛魁天下魁南宮魁右科鼎流傳自端拱至今進士百二十有八來者績書未艾

端拱元年程宿榜

龔識默甫 殿中侍御史

天聖五年王堯臣榜

龔宗元會之 識子都官郎官

嘉祐二年章衡榜

郝亶正夫 比部郎中

治平二年彭汝礪榜

孫載績中 朝議大夫

熙甯六年余中榜

龔程信民宗元子知桐廬縣

崇甯五年蔡焜榜

龔況濬之程子祠部員外郎

政和五年何鼎榜

唐輝子明禮部侍郎黃暉時俊

政和八年王嘉榜

衛闡致虛太學博士張德本復之

宣和六年沈晦榜

王葆彥光監察御史范雲伯達秘書郎

建炎二年李易榜

唐燧子光朝輝弟議大夫馬友直伯忠特科

紹興二年張九成榜

尤著少蒙

紹興五年汪應辰榜

郝升卿師古宣孫知常州范成象至先雲姪工部郎中

王嘉彥邦美葆姪

紹興八年黃公度榜

沈詢嘉問

紹興十二年陳誠之榜

嚴煥子文表鼇可久

陳璫器則鄭希賢君亞

張之才周美

紹興十五年劉章榜

李衡彥平侍御史

邊惇德公辨特科第三

顧聞彥和特科

紹興二十一年趙遠榜

成端亮伯準

紹興二十四年張孝祥榜

陳九思希魯特科 鄭績公玉

范成大至能雲子 參知政事 樂備功成

紹興二十七年王十朋榜

顏度子魯三部侍郎 王萬必大葆弟

紹興三十梁克家榜

馬先覺少伊友直孫

隆興元年李待問榜

趙彥鍊欽仲 郁異舜舉

唐子壽致遠輝子 朝議大夫 趙公高成甫

袁宗仁壽卿麓子 書庫官 姚申之崧卿

賀三聘湯輔 李廷直世南

成欽亮仲鄰端亮弟 知峽州

乾道二年蕭國梁榜

葉季貞時質特科 林梓材卿

乾道五年鄭僑榜

辛機應仲

陳茂英季實

王邁德遠

陳九德希阜九思弟

潘孜道任特科

錢永弼叔憲特科

郝晉卿師尹特科

乾道八年黃定榜

范之柔叔剛禮部尚書 范藻德明成家子

宗光遠民望 趙善遠道卿

秦膺剛和仲特科 龔明之熙仲特科

淳熙二年詹駉榜

張舜卿次夔之才子 陳宗台景南禮部尚書

王嘉謨叔明特科 陸自新德輝特科

胡元佐德懋特科 辛元膺德辰特科

周良臣君顯特科

淳熙五年姚穎榜

吳仁傑斗南國子錄 顧澈伯澄特科

淳熙八年黃由榜

黃真卿元吉特科

淳熙十一年衛涇榜

衛涇清叔闕孫狀元 呂伯奮忠甫

夏允中彥執知政事 翁謙天益

淳熙十四年王容榜

李應祥夢龍衛子 顏叔淵養源度姪

張左右民特科

李暹良佐特科

紹熙元年余復榜

李起宗揚祖應祥弟

顏叔玠景珪度姪

趙善遠衛卿善遠弟

顏叔平景晏度子

陳震震亨太府寺丞

顏應叔修度弟

朱起宗元振特科

胡椿德進特科

鄭允文元修特科

紹熙四年陳亮榜

張松子觀

慶元二年鄒應龍榜

鄭準器先中奉大夫

王芹元采特科

慶元五年曾從龍榜

陳貴誼正夫宗召子知政事顏叔瑤粹中叔玠弟

衛沂與叔汪兄潘興嗣顯祖

教陶孫器之沈晞顏文仲特科

嘉泰二年傅行簡榜

趙緜君善直寶章閣楊昕希黯

沈誠天瑞詢孫

博學宏詞科一人

陳貴謙益夫宗召子秘閣修撰

嘉泰三年以幸學恩授上州文學

顏叔并景容度姪特科林溥景仁

開禧元年毛自知榜

江先子明朝議大夫

趙汝淳子楚

顏叔璵器之度煙

邊瀛道卿特厚德子

嘉定元年鄭自誠榜

衛洙魯叔注弟 右司郎中

衛洽晉叔注弟

袁宗魯道卿特宗仁弟

鄭敬揚休特科

博學宏詞科一人

陳貴誼正夫 慶元五年進士

嘉定四年趙建大榜

嵇源子長上舍 呂叔獻恭甫特伯奮弟

胡天選賢卿特科

嘉定七年袁甫榜

衛洙魯叔再舉 黃必大昌卿

王景卿希顏特科

嘉定十年吳潛榜

王圭君玉

嘉定十三年劉渭榜

黃保大和卿必大弟 省元 鄭聿文捷特準兄

嘉定十六年蔣重珍榜

蔡珪珍父內舍 郁雲景龍異姪 內舍

黃洙魯叔特科

嘉定二年黃樸榜

郁中正叔雲弟

顧然雍叔

沈逢源深甫特科

郭思義德父特科

端平二年吳叔吉楊

陳拱泰亨振弟

嘉熙四年周垣楊

劉必成與謀右科狀元

淳祐元年徐儼夫楊

邊應升子用特科德孫

李潛晉甫應祥子特科

淳祐七年張淵微楊

袁逢午中甫宗仁姪特科

人物

玉人生此山亦得此名誦荆公之詩則地因人勝舊矣機雲以來人才相望流芳餘慶姓氏猶香接踵繼聲其來未艾表而出之亦所庸敬云

晉陸機字士衡祖遜父抗機長七尺聲如鐘天才秀

逸文章冠世閉門勤學非禮不動太康末與弟

薦之咸都王穎：假機後將軍河北大都督人

有譖於穎者遂遇害葛洪稱機文猶元圃積玉

無非夜光五湖吐流泉源如一其洪麗所瞻英

銳漂逸亦一代之絕所著文章三百餘篇行於

世弟雲字士龍六歲能屬文性清整有才理與

世弟雲字士龍六歲能屬文性清整有才理與

兄齊名雖文章不及而持論過之號曰二陸舉
賢良時年十六吳平入洛周浚謂為當今之顏
子補浚儀令後百姓圖形配入縣社入拜中書
侍郎亦為穎所害著文章及新書三百餘篇
唐陸龜蒙字魯望元方七世孫賓虞子龜蒙舉進士
不中仕從張搏辟後居松江甫里多所論撰雖
幽憂疾憤貲無十日計不少輟有田數百畝與
江通常苦飢躬畚鍤之勤嗜茶置園顧渚山下
歲取租焉不喜與流俗交雖造門不肯見不乘
馬每升舟設蓬席齋束書茶竈筆牀釣具往來
時謂江湖散人或號天隨子甫里先生自比涪

江漁父江上丈人後以高士召不至李蔚廬傳
素與善及當國召拜左拾遺詔下而卒况化中
贈右補闕有吳興日錄松陵集笠澤叢書行於
世

史德義咸亨初隱居武丘山以琴書自適或騎牛
帶瓢出入郊郭市野號為逸人高宗聞其名召
赴洛陽尋稱疾歸公卿皆賦詩餞別德義亦以
詩畱贈其才甚佳天授初江南道宣勞使周興
表薦則天授諫議大夫後放歸山壑

陶峴以文學自許生知八音不謀宦達富田業擇
家人不欺者悉付之身泛江湖遍遊煙水佳

數歲不歸製三舟一自載一置賓客一貯飲饌
與客孟彥深孟雲卿焦遂共載逢山水必窮其
勝開元末名聞朝廷經過郡邑靡不招之覘不
肯往自謂麋鹿野人非王公上客亦有不招而
自詣者吳越之士號為水仙嘗慕謝康樂之為人
言終當樂死山水浪跡垂三十年後遊襄陽
西塞歸老於吳

張後胤字嗣宗祖僧紹梁零陵太守父冲陳國子
博士入隋為漢王諒并州博士後胤以學禪其
家以經授太宗封新野縣公終散騎常侍謚曰
康陪葬昭陵

皇龔識字默甫給事中慎儀之子登端拱進士第祥
符間翰林學士李宗諤薦擢監察御史遷殿中
侍御史兼左巡使本朝龔唐制御史不專言職
至是始擇學術醇正操履端方可紀綱朝廷者
俾入臺言事識始被選本朝吳士登科者始於
識今府學先達題名以識為首識之後有宗元
等列於後徙居黃姑猶藏其登科時金花榜貼
子宗元天聖進士終都官員外郎宗元子程熙
甯進士終桐廬令程子況崇甯進士終祠部員
外郎況子明之有孝行終宣教郎明之子昱
邴亶字正夫太倉農家子自幼知讀書識度不碌

碌登嘉祐進士第崑山自國朝以來登科者自
宣始宣常條吳中水利為書上之熙甯間以宣
為司農寺丞奉使浙西措置水利民不便之遂
罷歸治所居之西曰大駟濼者如所獻之說為
圩岸溝洫井澮場圃俱用井地之制歲入甚厚
圖狀以獻且以明前法非苟然者及條水之利
害著書行於世後召為司農寺簿遷丞歷江東
運判知温州以比部郎中召未至而卒子僑亦
有才鄉里推重謂之邾長官嘗為王荆公所器
許見之於詩有幼成警悟集行於世孫升卿紹
興進士知常徽二州

日善堂本

孫載字積中其曾祖漢英仕錢氏為蘇州崑山鎮
過使故為崑山人登治平進士第嘗知考城縣
一日巡尉來告盜集境上將以上元掠近郊至
期載張燈樂飲許民嬉遊不禁夜如故事盜巨
測遂遁去迄受代無復鼠竊者後歷廣東湖北
淮西使者知海沂發亳州知務大體時號循吏
以嘗薦元祐黨人丐祠以歸一日遍謁先壠及
嘗與往來者呼妻子與訣問日早晏然香而逝
終朝議大夫辛七十五

唐輝字子明吳郡人寓居崑山以文章名於時登
政和進士第官至禮部侍郎弟煜建炎進士子

子壽隆興進士今其後多居郡中居於邑者曰
叔達官至通直郎賜緋衣幾九十猶強健云

王葆字彥先逸野堂僖之姪孫崑山自孫載登第
甲子一周而葆繼登宣和第邑人美之葆學行
俱高潛心古道入皆稱為鄉先生初主麗水簿
上疏論十弊末以儲嗣為請語尤切直暨和議
既定葆時為宗正寺簿為書上秦檜言伊周去雷
之得失後為司封郎官一日檜語葆曰檜欲告
老何如葆曰此事不當問於葆檜曰他人不敢
言以公有直氣故問嘗記紹興八年檜為右相
時公以書勸去位保全功名今何故不言葆曰

果欲告老不問親與讐擇其可任國家之事者
使居相位誠天下生民之福檜默然後除監察
御史兼崇政殿說書終浙東提刑葆於人物鑒
裁尤精丞相周公必大初中第葆妻以女樂庵
侍御李公衡布衣流落時亦妻以女弟其知人
類如此弟萬姪嘉彥中進士第嘉謀奏名

馬友直字伯忠其先本姓司馬氏有名球者仕吳
越以御史中丞為崑山鎮邊使因家焉子孫樂
道不仕隨俗止稱馬氏聚族居邑之全吳鄉角
直里以孝義著兄弟六人皆力穡獨友直以儒
業自奮入京師太學迨宣和水災兄弟皆餓殍

營妻子友直獨迎其親徙居邑之進賢里就屋
以居躬菽水養建炎奏名主武康簿奉嶽祠尋
以宣教郎致仕孫先覺紹興進士

王綯字唐公秦正懿王審琦五世孫建炎己酉為
御史中丞自建康扈從至鎮江從容奏陳陳東
以忠諫被誅此其鄉里上即命賙其家官其子
後綯拜叅知政事以和議不合求去御書霖雨
思賢佐丹青憶老臣一聯以賜之綯雖為執政
其家貧甚每以祿不及親自奉儉薄寓東禪僧
舍蕭然一室服食器用無異寒士天性仁孝賙
郵姍族復明於死生禍福之說薨前二夕書戊

戌字示左右及死之日果戌戌也其前知如此
終資政殿大學士謚文恭

李衡字彥平本江都人避地居崑山登紹興進士
第為溧陽宰以德化民四辛無犯罪者剡章交
上召對陳便民十餘事除知温州未行擢監察
御史出知婺州召拜司封郎中遷院檢俄引辛
挂冠築庵圓明村自號樂庵宰餘詔落致仕除
侍御史同知貢舉上疏論張說不當居樞亮遷
起居郎不就知台州又不就復上請老之章時
莊治作四賢詩以美之四賢者周必大莫濟王
希呂及衡也衡道學精明且樂於教人初自淮

來吳萬頃先祖實相從遊同居崑山授以莊子
寫樂庵時朝夕講說和寒山拾得詩一再行書
整、皆達理悟性之語蓋衡絕欲清修自中辛
後唯一蒼頭給事故年幾八十視聽不衰而理
性益明一夕作手書數十紙遍別親友且戒其
子毋得隨俗作佛事有樂庵語錄行於世和寒
山拾得詩萬頃今藏於家子應祥起宗相繼登
第孫潛淳祐奏名

范成大字至能父粵宣和進士終秘書郎成大登
紹興進士第歷官叅知政事贈太師謚文穆後
居石湖是為石湖先生嘗仗節使虜：伏穹廬

不起袖出私書切責之其所負不凡類此餘見
國史及神道碑行狀甚詳有石湖大全集刊於
郡庠弟成象紹興進士姪藻乾道進士

邊惇德字公辨實之曾祖也本開封人樞密直學
士肅之四世孫高祖仕於吳遂家於崑山幼孤
至孝貧不廢禮以詩文名一時屢與石湖先生
唱酬至有敢向詩壇挑老将之句其詩實今藏
於家筆法如新以連五薦就奏名第三歷仕舉
員及格會舉坐累改秩年踰六旬即挂冠賞格
儒林例改宣教鄉達列其行朝廷賢其高特改
通直郎有脂韋子五十卷存於家子孫俱業儒

止安陳先生有詩云十載不曾空榜貼縣人那
得此贏金者蓋實先人應升及叔應登也先人
連捧三薦淳祐奏名終丹徒簿

樂備字功成本淮海人寓居崑山以詩文名於時
登紹興進士第仕至軍器監簿與范石湖諸公
共結詩社

顏度字魯子究國公五十三世孫由唐魯公之兄
子仕常熟遂為吳人後寓居崑山以文章政事
名一時登紹興進士第仕至工部侍郎 孝宗
謂度每出一言不動如山因以如山自號弟應
子叔平姪叔玠叔瑤叔淵皆及第叔并叔璵奏

名其子孫諸族皆居城中仕者尚多萬頃先人
雲菴公姪瑁云

吳仁傑字斗南以詩文名一時登淳熙進士第仕
至國子錄自號蠹隱著書行於世者甚多

袁宗仁字壽卿父鼇紹興進士宗仁登乾道進士
第仕至國子監書庫官亦以文名鄉於弟宗魯
嘉定奏名姪維寅中鎖廳應西捧鄉書逢午由
太學奏名今主安吉簿

衛涇字清叔祖闡政和進士仕終太學博士涇淳
熙大魁官至叅知政事贈太師謚文穆方其立
朝正韓侂胄用事時不為執休罷歸十年不調

後除御史中丞而侂冑之誅淫之功為多餘見
國史及神道碑行狀有後樂集 卷兄沂慶
元進士第弟洽洙混皆嘉定進士洙官至左司
郎中混亦屢中鎖廳嘗編禮記集解後除太府
寺丞將作少監皆不起終直寶謨閣子樵魁銓
闡又魁鎖廳終知信州樸中鎖廳終倉部郎官
樛魁國子終太社析魁銓闡中鎖廳今承議郎
諸孫仕者亦多亦屢有中鎖廳者云

陳宗召字景南本福清人因贅崑山居焉登淳熙
進士第終禮部尚書三子貴謙秘閣修撰康應
尚左郎官貴誼慶元進士叅知政事謚文定宗

陳宗召

召與其子貴謙貴誼俱中宏詞

范之柔字叔剛文正公之五世孫登乾道進士第
仕至禮部尚書贈特進端明殿學士謚清獻子
克家甯家甯家今奉議郎姪慶家今通判建康
府

呂伯奮字忠甫登淳熙進士第幼與其弟仲堪叔
獻皆中童科各公賦詠甚多見雜詠

趙監字孺文忠簡公之孫知興國軍子琳嘉泰進
士終朝奉大夫直章寶閣

王邁字德遠登乾道進士第通判太平州子圭嘉
定進士今朝議大夫知常州

陳振字震亨以詩文名於時尤工楷書登紹熙進士第仕至太府寺丞知瑞州以朝議大夫致仕自號止安居士有五文集五十卷存於家弟拱端平進士子昌世三中鎖廳今通判吉州孫師尹魁鄉薦明復魁銓闈中鎖廳今主鹽官簿教陶孫字器之本長樂人贅居崑山登慶元進士第官奉議郎僉判泉州自號瞿庵以詩名於時而復以詩得罪於朝然詩益高名益重

玉峯志卷中畢



玉峯志卷下

陽羨凌萬頃
陳雷邊 實

古蹟 古事

古先遺蹟在、有之疑以傳疑或至珣會今考其有所據者書之姑以存古

東城具城社門

嚮太師慧聚寺開山僧慧嚮也今石像在山半石室中

扣之鏗然有聲俗訛為嚮太師

龍柱具寺觀門

慧聚寺大佛殿像及偏小殿毘沙門天王像并左

國家圖書館, NATIONAL CENTRAL LIBRARY, TAIWAN, R.O.C.

右侍立十餘神皆凜、有生氣塑工妙絕相傳
為楊惠之所作又云張愛兒所作也龍圖閣學
士徐林嘗歎其妙而大殿三世佛已為庸僧妄
加塗飾天王像綠色亦已故暗迺題殿壁云慧
聚寺古塑天王于連日觀瞻裒哀不忍去二線
女九勝絕與顧愷之畫相類按此寺成於大中
辛塑者得非楊惠之流與今大殿佛像再加綠
畫古意已索然懼無知者又以脂澤汙圭璧使
唐人遺蹟掃地將盡歎恨莫及故書以志之初
寺以此像及山半普賢像與涅槃圖為山中三
絕淳熙寺赫殿閣皆燼唯普賢像為一僧背負

而逃

慧聚寺殿前二樓曰經臺鐘臺扁皆李後主所題
淳熙寺赫臺亦廢

高麗國進陰陽栢兩株高纔二三尺高宗以賜王
綯綯種於永懷寺殿庭之左右寺綯之祖審琦
香火院也今栢高興殿齊每歲左花則右實右
花則左實

淳熙間華亭居民浚河得一碑云天寶六年黃池
縣令朱 葬於崑山縣全吳鄉孔子宅之西
南乃在華亭縣北七十五里海隅鄉華亭原屬
崑山豈古全吳鄉廣於今邪今崑山全吳鄉無

所謂孔子宅姑存此以闕疑

晉石勒將劉微率衆數千浮海入婁縣太尉郝鑒討平之

隋大業九年劉元進舉兵應楊元感將渡江而元感敗吳郡朱燮為崑山博士會亂謀起兵赴者如歸自東陽至京口千餘里並受燮節制燮長不滿七尺涉獵經史微知兵略云

唐武德中閩人遂安據崑山杜伏威使王雄誕擊之以崑山險隘難以力勝乃單騎造城下陳國威靈示以禍福遂安乃率諸將出降

唐光啟初劇賊劉崑山招討使周寶遣將張郁戍

通志卷之六

海上郁叛刺史王蘊不設備郁遂大掠蘊嬰城守寶遣兵討郁郁保常熟走海陵

淮將楊行密寇姑蘇別將秦裴屯崑山吳越將顧全武擊裴圍之裴援絕不降全武為檄諭之乃納款

土產

隋志載吳人務耕織以漁獵為業崑山為吳劇邑土地所宜蓋非一端舊經不載所產吳記止載首魚故類而志之

稻

紅蓮稻

米半有紅粒熟時紅粒先白其味甚香陸龜
蒙別墅懷歸詩云近炊香稻識紅蓮則唐人
已重此稻矣

再熟稻

田家遇豐歲苗復蒸長旋復成實可掠取俗
謂之再熟稻吳都賦云鄉貢再熟之稻

香稻

傷湖種之種極難得九香於紅蓮稻

烏野稻

雪裏揀

白野稻

稻翁揀

皆稻米之上色者

卷之三

閃西風

趕麥長

軟得青

時裏白

六十七日稻

百日稻

牛夏稻

金成稻

皆稻米之早者

烏口稻

穀色黑

烏粒稻

眼黑

睦州紅

稻米之最晚者

舜耕稻

有兩翅

烏粒稻

眼黑

睦州紅

祀種稻

傷裡稻

山烏稻

辦白稻

紅蒙子

稻裏揀

下馬看

皆稻米之常種者

趕陳糯 社交糯

皆糯米之早者

烏絲糯 閩女糯 金州糯

定陳糯 宣州糯 佛手糯

師姑糯

皆糯米之常種者

水族

石首魚

吳地記崑山縣石首魚冬化為鳧土人呼為
鶻鴨小魚長五寸秋社化為黃雀食稻至冬
還海復為魚

信日書寫本

蟹

江湖間皆有之吳人所嗜相傳於稻登時其
蟹率執一穗以朝其魁然後從其所之早夜
感沸詣江而奔漁者緯簾承其流而郭之曰
斷得遜者紛奔突軼以入於江則形質寔大
漁者又斷而求之其得遜者遂入於海質益
大然發風疾故皮日休詩云病中無用雙螯
處陸龜蒙詩云藥盃應阻蟹螯香

河豚魚

凡近江皆有之有南江北江之別俗重北江
者菴取其肥春初得此魚則為盛焉世傳以

為有毒忌烏頭附子荆芥等風藥

田雞

即水蛙為脯饋遠方得者甚稱重之

食物

楊莊瓜

出縣西三里外有仙人以瓜子遺村民種之花實俱小而味極甘東楊莊所種差大味不逮西楊莊

菱

西陽雜俎云四角三角曰菱兩角曰芰今芡菱多兩角又有野菱家菱二種近復出餛飩

李時珍

菱最佳

棋麵

細僅一分其薄如紙可為遠方饋雖都人朝貴亦爭致之

蛇床子

五歲貢數

何首烏

音

清遠香

舊嘗入貢

布帛

苧布

其細者如羅九白士大夫用之為唐衣野服
在歲貢數

黃少布

出縣南沙葛村細者可與紗敵遠方人謂之
金絲布舊充聖節貢

藥斑布

中袂袖被褥以麻苧布皆可為之布碧而花
白山水鳥獸樓臺士女之形如碑刻然也

石

巧石

佳石書本

出馬鞍山後石工探穴者得巧者斲取玲瓏
植菖蒲芭蕉置水中有好事者甚貴之他處
名之曰崑山石亦爭來售然恐傷山脉鑿者
有禁止安陳先生立碑在縣廳今間亦私取
而得益可奇其名益重
右皆書其他邑之所無而此獨有者若木之
松柏獸之牛羊之類則地皆有之今故不載
云

封爵

列爵分土古以賞功若後世之分封則有其名而無其
祿特以顯職位之隆而已今紀於左以示衣冠之盛而

使來者則續而書之

吳

張昭

婁侯

陸遜

婁侯

皇朝

衛涯

崑山縣開國侯

范之柔

崑山縣開國子

鄭準

崑山縣開國男

寺觀

邑有寺觀凡三十二附於郭者十七散於郊者十五起廢之因則詳著其下

佳日手寫本

景德寺在縣西南二百五十步東晉咸和二帝王

珉捨宅為之賜寶馬為名今寺東有王太守祠

太守即珉也唐國一禪師道欽受業於此

皇朝景德二年勅改今額俗呼此為西寺

慧聚寺在縣西北馬鞍山下梁天監十年有吳興

沙門慧嚮遂嘗登山寓一禪室以可棲息遂居

之有二虎侍側欲建寺未能忽有神人見於前

曰請助予工用佐景福是夜風雷暴作喑鳴之

聲人皆聞之達明殿基成矣延袤十七丈高丈

有二尺巨石轟然其直如矢非人力所能縣令

以聞命建寺封山神為大聖山王賜慧聚為額

仍賜鐵鑪繡佛四二頃山一所木千株勅張僧
繇繪神於兩壁畫龍於四柱每陰雨欲晦畫龍
津、生潤鱗甲欲動又勅僧繇畫鎖以制之
唐會昌間寺廢以柱歲郡中至大中間寺復興
賜金書寺碑銅鐘郡復以柱還寺寺半壘石半
為虛閣縹緲如仙府池山佛宇未有其比淳熙
中寺熱有雷火篆書凡殿柱及唐以來名賢題
詠碑刻楊惠之所作天王像李後主所書扁額
一蕪無餘所存止山王廟端平間亦熱今復建
大佛閣成於淳祐戊申之秋名神運大雄之閣
今刑部侍郎樓治書額寺多名公詩並見雜詠

佳日寺寫本

唐王泚天王堂記有釋氏子宅於馬鞍山下
者一日忽叩太原王生泚促足角坐涵意欲
渡不能者數四頃乃曰欲以天王堂事勞筆
端謹按釋氏書曰天王生于闍國作兒童時
猶能血鏃射妖遂去走天竺遇金仙子授記
護闍浮提補多聞王騰雲跨漢鞞鬼燃魔霞
幟雪戟指勾摧泮竟鎮妙高北水晶宮中
為藥又官長吁奇怪事孔門弟子慚於語然
儒以正直為神今天王能射妖摧魔用壯護
世是亦正直也復何慚之哉按馬鞍山涌出
平原中絕頂晴望他山百餘里緣接培塿或

漢家騰織坦然鋪出復多奇石支曼危柱釋
氏築室鑿倚山半今天王堂實異西北隅塑
狀岳嶺屹然柱空金精擗環刀溢磨腕跪卒
象伍作為部落堂宇宏麗四簷飛舉麻靈庇
像若瞍瞞被甲擔戈立於煙靄泚因勞其費
進曰非某力能皆邑民為之塑實成於張宏
度堂實成於俞師甫吁大凡力於耕者一人
功於獲者三人豈偶然於天王哉釋氏子姓
闕號清建姓趙號良顛時唐大中三年某月
日鄉貢進士王泚記

蓋嶼慧聚寺圖記慧聚二洲之名剝摩跡於

注曰寺寫才

梁天監中耆舊互傳昔者法師慧嚮駐錫此
地謀建塔廟力綿未給精切誠至俄有鬼神
之助一夕雷電大作怒風惡雨明而視之宏
基岷成殿之塔是也觀其哀魄礪積峯欽在
蒼崖崇崗之根直逾引繩方邁截矩剝剝鐫
鏤了無癡痕隱々隆々頽然似巨鰲之俯伏
不敬不頽背負柱石殫巧窮妙信非人力之
可致是以自時厥後寫奕蟬聯月增日崇抵
今大備寺之疆境據崑山之西北寶執屹業
依馬鞍山遼繞而上高地百尺茂林修竹松
檜藤蘿之隙又有靈苗佳卉珍藜秀蔓白紅

自綠霜霰弗凋佛宇僧舍踈曠爽快之處蔽
紅陰而翳綠景者棋布櫛比幾三千楹經畫
締構工極環瑤乃若躡躡煙霞偃仰風月軒
堂亭榭臺閣樓觀往々橫跨傑出翳峙挺立
若鳥之翔如獸之蹲甚者駕虛排空玲瓏縹
緲層々疊々銀珠金碧之相耀乍顯乍晦於
翠雲紫靄之間加以巨海處其左重湖居其
右俯瞰松江之洶涌側顧陽山之巔岼朝化
暮變供秀氣而借清光指掌之間四望百里
真天下雄壯奇偉之觀也然而姑蘇一隅地
極僻側弗類乎杭之天竺潤之金山當冠蓋

之衝臨舟車之會乃非凡之勝槩包蘊停蓄
止見於近未聞於遠量彼較此為之不平適
主寺僧法全刻圖於石踴躍執筆從而道其
始末庶或流派傳之四方且俾好事者燕坐
几席彷彿乎登朱橋涉碧砌審眾水之環山
想孤峯之擎寺必稱其灑落峻峭蔑一點塵
埃之氣可以傳天竺儼金山並驚而同馳靡
分先後蒼亦揚善成美之意也雖然摸之於
畫迷之於書寄象寓數特其糟粕可殆有畫
之書之所莫窮莫畫之妙潛藏默喻於象數
之表觀者自得斯圖也豈獨誇詫是招提而

已邪因以見國家太平一百六十年之盛神
功聖德格於上下覆護涵毓無垠無涯故茲
山邑水鄉幽閒荒陋之地尚克闢紺舍而集
緇徒為民祈福有如是居有如是景嗚呼休
哉政和元年十一月日知縣事登嶼記
僧辨端慧聚寺聖蹟記至道二年冬端自杭
州送二卿琅琊王公歸闕路止於姑蘇郡太
守尚書戶部員外郎陳公頌為政有仁愛故
四方之人藉藉有聲名者咸皆仰望爭欲奔
走詣其館而識其面者衆矣端亦既一見果
若舊識乃殷桓於是邦得遊其屬邑三年春

二月屆於崑山縣寓慧聚寺未數日會公聽
理之暇出巡水塘相繼而至又得以陪從嘉
賞周覽古蹟且目其孤巖奇秀屹立天際曰
馬鞍山也羣岫相去皆百里而遠極頂四視
東連溟渤西接洞庭原隰濶曠坦然鋪著初
至寺升殿尋碑讀記厥石斷壞其文殘缺幸
月名氏皆蔑然也乃詢諸寺人有耆年宿齒
者徵以舊傳乃得唐人博陵崔子向所記之
文略叙其事先是梁天監十年有帝之國師
吳興沙門釋慧嚮姓懷氏久居內寺一旦歸
者而至是山有息焉之志因放錫禪坐於

賜石室閣以二虎為侍師方運籌思益精會
忽有神人立師之前曰願施千工以成乃事
其夜風雷震吼林木號怒近山之人聞樸斷
之聲翼日而奇石轟轟廣階駢城其方截如
也延袤一十七丈高顯一丈二五尺蒼山至
之後神功也時宰縣者異其事聞刺史奏武
帝因造寺焉遂立正殿於其上勅張僧繇繪
神於二壁圖龍於四柱每雲行天暝則鱗甲
皆潤漶漶然及有浮萍者或曰多興疾雷鼓
巨浪於江海間後勅僧繇畫鎖以制之洎唐
武宗會昌中詔毀天下佛宇茲寺當在毀間

信口書

大中五年宣宗重闡釋門故寺僧清江以其
靈蹟聞郡守常公於是奏再興焉凡今殿閣
像飾非梁製也惟神砌存爾觀其神蹟規制
皆窮奇極壯造化所成信非人力遊者觀之
莫不齟然心懾而股栗魂驚而魄駭苟非嚮
師至德通於神明又曷克臻於是邪苟非山
王靈威昭於有德又胡能成其蹟邪又前後
曾未有郡牧至此者今陳公博古聞異來而
親之久以嘉歎因謂端曰前記湮滅來者昧
其所從請撫其實庶垂於永端雖謏才忝
辱厚命故抽毫以書時至道三年孟夏

薦嚴資福禪寺在縣東三百步今俗名東寺唐天
祐三年吳越鎮遏使劉璠捨宅為之後梁開平
三年改為崑山福院貞明五年重修 皇朝大
中祥符元年勅改惠嚴禪院後又勅改今額以
奉成穆皇后香火移額於大光庵寺有高宗御
書普照堂扁藏於御書閣法堂曾旼為記范石
湖嘗讀書寺中屢有詩載大全集及雜詠其後
石湖讀書處生紫藤縈蔓可愛名以范公藤名
公各有賦詠

永懷報德禪寺在縣西南二百步舊為景德寺普
賢教院院有諸天閣范浩然為記後勅賜今額

奉顯恭皇后香火殿前有高麗栢見古蹟門

新安尼寺在縣東二百步梁天監二年建唐會昌

五年廢大中七年重建 皇朝紹定間寺火唯

觀音像歸然於烈焰中今復興

惠嚴禪院在縣西南一里半隆興初建本名大光
庵因薦嚴寺改額移惠嚴之額於庵遂為禪院
住僧如說重修今頗潔雅

寶慶院在縣西三百步本逸野堂故基後歸邑人

郁允恭遂與其弟允文捨建十六觀堂成於寶
慶年勅賜今額趙琳為記

華嚴教院在馬鞍山北麓為慧聚寺子院院有壘

浪軒詳見園亭門

利濟教院在縣南

九品觀堂在景德寺西其地本屠沽所聚忽寺僧師諒一夕夢有神人披髮執戈而告曰此地當作道場師何不究心興一觀堂名以九品鑿地為沼當有石塔出見寤而言之遂協力建觀掘地果得石塔數層上刻元幹僧師諒九品觀堂東齋在馬鞍山東麓齋門有龍洲劉改之祠改之廬陵人以詩名於時客江湖死葬於東齋佛殿後今二卿湯公嘗作文遣祭刊於祠

清真觀在縣北一里乾道七年道士翟守真來自

天台募為真武道院至一小民家有老嫗績麻於門坐棹木一段守真求焉老嫗以與之守真挈歸加斧鑿而可目口鼻之形隱隱可辨竟斷為像首由是道院始興淳熙初元移常熟縣清真觀廢額於此觀有昊天閣陳振為記

靈應善照觀在縣東北一里邑人翁謙嘗卜其地為兆鑿池得石函中有青圭因建道院甯宗御書今額及止堂扁賜主者易如剛

月華道院在縣西山下

廣福道院在縣西

真聖道院在縣西南

靈祐道院在縣西南

右並寺觀之在邑者

聖像禪院在縣東南二十五里晉建興二年有迦葉維衛二石佛泛海逆水而來至今院基前止數百人不能從光采七晝夜佛書所謂吳中二佛即此里人趙罕捨所居以建院勅賜聖像為額梁貞明四年重修皇朝寶慶中寺焚晉梁以來碑刻並燬

延祥寺在縣東南四十里梁天監中土人辛氏捨宅為紹法寺後廢吳越錢氏寶正中重建皇朝祥符元年勅改今額

隆福禪院在縣東三十六里梁天監中建名報恩院後廢唐天祐中重建皇朝大中祥符元年勅改今額

延福禪院在縣南三十里梁天監二年建皇朝大中祥符元年勅改今額佛殿後有秦柱山見山門

無相禪院在縣東南四十里梁天監十年建初為寶乘寺後廢唐天祐二年重建皇朝大中祥符元年勅改今額院在泮川鄉地名石浦衛文節公所居嘗有相者惜院額無相二字不利後公果止叅知政事云

廣孝寺在縣東北七十里唐咸通十四年建初為
懷讓寺後廢 皇朝淳化中復建大中祥符三
年賜今額

承慶薦福院在縣柵 三里本名三里庵

能仁禪院在縣東南十五里唐天祐二年建初名
羅漢院後唐長興二年重修改名德義院 皇
朝大中祥符元年賜今額

興福禪院在縣西南三十里唐大中十年建 皇

朝太平興國二年重修殿後有趙靈山見山門
廣法教院在縣東三十六里

崇恩禪院在縣東五十里唐開成二年建 皇朝

佳。聖寫本

慶元二年重修

報德教院在縣東北九十里

右並寺觀之在郊者

祠廟

有功德於民則當祀之而有禱輒應能福一方者雖爵
號未正而血食滋久有其舉之敢不載乎

惠應廟在縣西北三里馬鞍山下廟神乃山神元
無姓氏梁天監中役鬼三為慧嚮築寺繇是勅
封大聖山王 皇朝崇甯間方賜廟額大觀間
封靜濟侯紹興間加永應淳熙間加昭德慶元
間加顯既開禧間改封昭惠公嘉定間加靈濟

寶慶間加福應昭定間加康祐封神妻為廣惠
助順懿福昭德夫人侍御者為靈佑將軍淳祐
間改封顯佑王夫人為協靈妃自皇朝以來進
中使降御香以祈嗣禱雨暘者凡六靈蹟詳見
廟記及誥詞廟經淳熙火不燬端平廟燬像存
嘉熙重建雄壯於昔

黃島廟記蓋聞三代迭號仁義攸歸七國潛
稱簡牘是謂或封建子弟或追贈公侯居於
域中莫斯為大然有功於國有惠及民後世
尊其道者亦受命無愧矣大聖山王者馬鞍
山之神也圖經諸山在縣西北隅平地崛起

高數百尺屹然而獨立環望遼遠幾千里渺
乎其無垠峯巒聳奇草樹增茂為邑人之勝
際梁天監中有吳興沙門曰慧嚮者脫塵勞
千劫修菩薩萬行攜錫而至卜巖而居寂
一室安處其定慧耽：二獸馴擾其左右綿
歷寒燠皆如始至向非達觀大士孰能與於
此哉師嘗謂茲山殊勝可興佛寺雖用志彌
篤而力莫能逮一日師方冥寢而山神前見
曰願施千工以助斯意是夕雲驅電掣風號
雷動駢闐之跡徧於林莽鞭扑之聲震於巖
谷恍惚中夜驚悸數里詰旦陰翳潛廓靈基

條成雞壘石之相差者築土之夷曠橫袤十
七丈高脊二丈小大規矩渾然削成其直如
繩其平如砥非人工所能致也邑尹狀其事
以聞乃於殿之東建神之像錫命曰大聖山
王蓋旌其功而表其美也自茲以還威靈益
著聰明正直鎮乎百里之境福善禍淫庇於
一方之民凡猶豫者卜之如響靈龜疾疫者
禱之如飭良藥胎變之應昭々而可驗牲幣
之祭紛々而不絕及物之惠斯亦至矣然而
辛禩寢遠棟宇頽壞軒墀蔽乎春草廊壁鳴
乎秋蛩雖靈之具存而像亦斯敝有邑人曰

修。書。本。

陳仁紹者好善不回積財能散眠祠宇之棟
橈思締構而鼎新令寺主僧志堅同募居民
以成勝事僧願文清營者亦贊其能幾疏一
發如石投水施利四來如川赴海凡所得者
僅踰千緡於是鳩工市材揆日歲事歲時未
易斤芥告停危簷翬飛壘瓦鴛甍富牖明遠
藥櫃赫奕殿堂廣其舊制廊廡闢乎新規門
闌有闕左右有序中塑神像森衛靈宮威儀
聿陳藻繪斯煥蓋所以答神休而肅祀事也
噫古之卿士有益於人者典禮尊其祀焉翔
茲山王垂數百載而奕烈不昧始施功而成

善事終佑民而馨明德建祠延號亦其宜矣
前所謂有功於國有惠及民後世尊其道者
受命無愧其斯之謂與曷因訪舊晉臺薄遊
是邑聞其異蹟關於記事既蒙確請不獲牢
讓詞旨淺近斯為愧焉時明道二年正月十
五日

黃由誠應記余遊上庠鄉之賢者不鄙其愚
多延揖以訓子弟其寓是邑蓋每閱寒暑每
當暇日樂於訪古慧聚號為名剎山川之瑰
勝堂殿之宏麗洞心駭日常為終日留而不
厭若夫嚮師之道力所格靜濟之神應無方

陸日書

間之耆老相傳及見之碑誌不容言語贊歎
久矣故歲余蒙恩策名科級未歸之日親舊
多臨顧迄今春稍閒始克復往見寺之上方
則一時勝槩幾至煨燼所幸祠宇與佛殿獲
存余私竊悵然叩之寺僧及大夫士言故歲
中秋後二夕有祝融回祿之警下視大殿繞
去尺許風正西北其執方張邑人咸集莫施
其力徒用嗟惋時邑大夫劉公寔未蒞事公
清正淳篤以儒術飾吏治神人致喜者也奮
然當大指神祠而告之曰昔者駕風霆而電
之威驅鬼工以立厥址上棟下宇彌數百年

神忍使為燔燬一方其將安仰煙焰幸息公
又禱曰茲為邑人植福之所今以蒙教者不
獲免願移之於令乞庇斯民言未既而風倏
然轉為東南火就撲滅吁亦異矣夫神依人
而行豈苟然者惟公誠信平格幽明一致故
獲應如響答神其可証哉寺僧與鄉人賢者
合詞曰願求記之以著其異且使知公愛民
格神以誠獲應發於一言之頃曾不旋踵回
視昔人反風已火之祥殆異世而同轍率是
以健將臨大事建大節圖謀經濟其不顧身
以利天下天之所眷賚公殆未易量也余不

注：寺僧曰

得辭遂書以記其實公名藻字德清金華人
以進士第繇官中都未字茲邑其政績之美
才學之懿略而不書書其一他可知已淳熙
九年清明後三日

卜將軍廟在縣西南卜山下嘗有人於廟下得斷
碑略云府君姓卜名珍字文超西河人也春秋
六十有六以寶曆元年終葬於崑山西鹿城鄉
界卜山禮也銘曰森々古栢宛轉龍岡孤雲垂
蒼日月懸光千秋萬古嗚呼夜長但不言將軍
之號其廟食之始亦莫能詳焉今廟中之碑乃
流俗妄相附會不足取信

城隍廟在縣西南三十步廟前有檜甚古

東嶽廟在縣東南二百五十步

祠山廟在永懷寺內

五顯廟在新安寺內即婺源五顯靈觀大帝也邑人自婺源奉香火歸將建祠卜地惟新安食遂立廟寺內嘗見衣冠五儒者裊裊月下及有見所乘青鹿跳躍於市云

五通廟在縣東南三百步廟已廢今俗尚名其地為五郎堂前

孟尚書廟見公宇門

鎮興霸典明王廟在縣東南二百五十步今為邑

小佳日事(昌本)

民所據舊有明王堂巷并塞之

六先生祠在縣學東廡淳祐己酉權令吳堅建先是潘彙征作宰相時郡縣奉朝旨令建六先生祠於學會事不果止繪於從祀弟子廡間至是始克成六先生濂溪明道伊川晦庵橫渠南軒先賢祠在學西廡與六先生祠對淳祐己酉權令吳堅建先賢者陸龜蒙張方平范仲淹李衡巫侯祠在縣學侯名自修嘉定間寧邑留意學校徹而新之故祠於學學舊有張方平葉子強祠今皆廢

梓潼帝君祠在清真觀內

王太守祠在景德寺內見寺觀門

張公祠在縣東南三里相傳所祀者張公方平也

公嘗寧邑祠於縣學後廢邑人改祠於此云

吳明王廟在積善鄉

崑崙王廟在積善鄉

尉遲公廟在積善鄉蔚洲俗稱景雲大王廟

地主明王廟在朱塘鄉

巴王廟在朱塘鄉巴城農人墾土得斷碑云彭府

君墓在巴王墓南知廟下必有墓但不詳巴王

為何時人

陸龜蒙廟在金吳鄉甫里

佳日亭寫本

太祖明王廟在金吳鄉

吳王廟在泖川鄉度城

夏侯王廟在武元鄉

吳王閻閻廟在永安鄉金城

顧司徒廟在永安鄉

三林大王廟在永安鄉

五道明王廟在永安鄉

蘇王廟在湖川鄉

吳王夫差廟在新安鄉

虎耳王廟在新安鄉

女媧聖姑廟在惠安鄉大駟村媧婦山下

興德王廟在惠安鄉

吳司徒廟在惠安鄉

定海王蔣僕射廟在縣西北三里

蘇將軍廟在縣西北三里

白將軍廟在縣西北三里

太祖靈蹟王廟在縣西南二百一十步

以上四廟皆舊經所載莫詳其所

園亭

洛陽衣冠之所聚故多名園夜市菱藕春盤綺羅則足以見吳中逶迤之感凡園亭前後之興廢不可不錄也
縣圃載官字門

佳日書寫小

孫氏園在縣北馬先覺有詩見雜詠今廢

翁氏園在縣西吳仁傑嘗與陳璧賞木芙蓉於此

有詩見雜詠今廢

陳氏園在縣今廢

洪氏園在縣東今廢

衛氏園在石浦文節公後樂之地今子姓又各有

園

鄭氏園在馬鞍山前今海陵史君新創

陳氏北園在漳潭水竹寬潔亭館宏麗東浦黃蒲

記知縣徐聞詩書

盛氏依綠園在高墟

放生池在清真觀內淳祐十年

御書碑記邑宰

項公澤跋

東禪寺後圍池上茅亭吳仁傑取杜詩可以賦新
詩之句名曰可賦范石湖多遊息其中與陳璧
廬中之皆有詩見雜詠今廢

崕山亭邑人趙善訓史君所居距馬鞍山之陽二
百弓而限以小溪吳仁傑取元次山溪以涪名
旌吾獨有之語名曰崕山詳所作詩序中今廢
玩芳亭邑人吳仁傑所居楊萬里陸游有詩見雜
詠今廢

逸野堂邑人王僖所居僖以讀書自娛鄉里推重

教其從孫葆為名儒其地後廢為十六觀堂基
云

友順堂邑人文節衛公涇之所居涇未貴時與兄
弟讀書其中其後功名各成仍延師於此以教
其子弟甯宗宸翰書扁賜之

棲間堂邑人龔星所居星識之有孫陸游劉過有
詩見雜詠

樂庵在縣東南六里圓明村侍御李衡歸老之地
今為衡墓所

四賢堂在邑人李潛家潛之祖衡為御史時以論
張說去國時正言王希呂亦言之直院闕必去

不草制給事中莫濟不書黃皆因此去位莊始
作四賢詩以美之詩見雜詠潛後訪求三賢遺
像配以其祖建堂於家名曰四賢

疊浪軒在馬鞍山北華嚴教院下瞰湖濼一碧千
頃詩人名公往來鴈詠於此今湖皆為田不復
見舊觀或解扁字為車于水宜良由殆其識矣

異聞

異事世固有之前輩借以演史筆夷堅志之類是也或
疑其好奇而未必皆實今本郡志參以近事姑載其略
不復泛舉云

晉元康中吳郡婁縣懷珪家忽聞地中有犬聲視

佳日不寫不

聲所自發有小穿如蟻穴以杖刺之入數尺覺
有物振視得犬子雌雄各一目猶未開形大於
常犬長老或云此為犀犬得之者富昌當養之
以日未開還置穿中覆以磨礬宿昔發視失所
在矣珪家亦無他

慧聚寺殿基見寺觀門

後唐時慧聚寺紹明律師居半山彌勒閣一夕夢
神曰簷前古銅爨下有石天王像與銅鐘師宜
知之語且掘地果獲此二物形制極古前輩嘗
有詩云一旦石像欲發見先垂景夢鳴高岡

皇朝咸平元年夏四月縣漁婦李氏張罾湖上得

白龜如鏡大其色玉瑩電眸朱尾宮畫燦然婦
取之授兒為戲又恐傷人縱於湖項之龜復在
細如是者三怪之復棄去中夜岸有火燄、往
觀之龜在焉因取以歸近村民王道榮置龜置
神陳前失之私念此或靈物若虔禱當復見則
不獻於官忽自歲竇中出精瑩愈於前迺獻於
縣令令上之郡郡守陳省華異而神之具表以
關時張君房客於郡者華以白龜示之嘗作頌
明年秋試進士崑山進白龜詩

嘉祐中海上有一船桅折風飄泊岸船中三十餘
人衣冠如唐人見人皆慟哭語言書字皆不可

佳。書。卷。四。

曉行則相綴如鴈行久之自出一書示人乃唐
天祐中吉授屯羅島首領陪戎尉又有一書乃
上高麗者時贊善大夫韓正彥宰崑山召其人
犒以酒食且為治其稅教以起倒之法各以手
捧首而跪船中有麻子大如蓮的蘇人求種之
初歲亦如蓮的次年漸小後只如中國麻子

淳熙中崑山有一道人誦讖云潮過夷亭出狀元
李侍御以語知縣葉子強遂建問潮館於駒馬
橋西後潮果過夷亭衛文節遂魁天下

九品觀堂者塔見寺觀門

紹定中張廣事權縣事譙樓有集鶴中弋帶箭造

庭哀鳴者有所訴廣幸視箭首字得弋人姓名
遂懲之鶴乃去

玉峯志卷下畢

任日重寫

玉峯志淳祐辛亥五月修壬子二月刊於縣學預纂修
者書姓名於後

迪功郎平江府崑山縣尉俞焯

迪功郎平江府崑山縣主簿施丙

迪功郎平江府崑山縣丞卜稷

迪功郎平江府崑山縣主簿吳堅

承事郎平江府崑山縣勸農公事兼管運河堤岸提銅錢海關專點檢團軍兼弓手寨長正項公澤

白龜如錢大其色玉瑩電眸朱尾宮畫粲然婦
取之授兒為戲又恐傷人縱於湖頃之龜復在
網如是者三怪之復棄去中夜岸有大燄往
觀之龜在焉因取以歸近村民王道榮置龜置
神像前失之私念此或靈物若虔禱當復見則
必獻於官忽自鼠竄中出精瑩愈於前迺獻於
縣令令上之郡郡守陳省華異而神之具表以
聞時張君房客於郡者華以白龜示之嘗作頌
明季秋試進士崑山進白龜詩

嘉祐中海上有一船桅折風飄泊岸船中三十餘
人衣冠如唐人見人皆慟哭語言書字皆不可

佳。事。實。也。

曉行則相綴如鴈行久之自出一書示人乃唐
天祐中告授屯羅島首領陪戎尉又有一書乃
上高麗者時贊善大夫韓正彥寧崑山召其人
搞以酒食且為治其梳教以起倒之法各以手
捧首而展船中有麻子大如蓮的蘇人求種之
初歲亦如蓮的次年漸小後只如中國麻子
淳熙中崑山有一道人誦識云潮過夷亭出狀元
李侍御以語知縣葉子強遂建問潮館於駟馬
橋西後潮果過夷亭衛文節遂魁天下

九品觀堂石塔見寺觀門

紹定中張廣權縣事譙樓有巢鶴中七帶箭造

庭哀鳴若有所訴廣辛視箭首字得弋人姓名
遂憇之鶴乃去

玉峯志卷下畢

玉峯志淳祐辛亥五月修壬子二月刊於縣學預纂修
者書姓名於後

迪功郎平江府崑山縣尉俞焯

迪功郎平江府崑山縣主簿施丙

迪功郎平江府崑山縣丞卜稷

迪功郎平江府崑山縣主簿吳堅

承事郎平江府崑山縣勸農公事兼管運河堤岸提銅錢下海出界專一點檢團軍兼管寨兵軍正項公澤

玉峯續志

山川

前志載崑山在華亭境而在崑山者乃馬鞍山其說已詳今以劉澄之揚州記考之謂吳縣有馬鞍山天將雨輒有雲來映此山山亦出雲應之乃大雨益信馬鞍山在崑山之的而山外之雲自相感召乃他人所未聞豈不為勝地乎

前志載吳松江三江口之說皆按古以驗今者若撫今而證古尚有說蓋江宗於海謂之江口當於海求之今大海自西汧分南北由斜轉而西朱陳沙謂之揚子江口由襄裒頭而北黃魚塚謂之吳松

江口由淳子門而上謂之錢塘江口雖無三江口之總名而三江之跡顯然可考洗揚子江下流入於浙錢塘吳松分隸蘇杭俱與震澤水執相入實妄謂以海泮為三江口以此三江為禹貢三江其說粗有考於韋昭姑錄之以實證於覽山川者

前志載陽城湖包湖碗漏蕩三水合而為一今按其跡考之陽城湖在縣西北三十里與常熟接壤南出吳淞真義浦北自陸涇入碗漏蕩歸上元涇入於縣碗漏蕩去陽城湖十五里南入尤涇朱昌涇南入大虞梁里浦通吳松江包湖乃巴城湖又在西北此三水執脈雖相通中有支港貫穿其間實

未嘗合為一也

前志載澱山湖在縣東南八十里今考證得水在華亭北岸屬本縣

前志載陳湖在縣西南七十里北自界浦渡頭浦入吳松江今考證得湖中有塚上有廟名三鄉塚廟蓋崑山吳江華亭三縣分界之處

前志載百家漾大駟漾在縣北里鰻鱔湖在縣

西北十八里昔皆深澗旱澇藉以灌輸今多成團田所存不過白蕩而百家大駟之跡併不可考矣

前志載新洋江在縣東南六里近辛為渾潮壅漲屢浚屢塞咸淳戊辰嘗築堰以障渾潮之入而堰外

泥積過旱澇尚資撩掘云

前志載小虞浦在兩柵外南出吳松江北通諸湖近
辛亦為渾潮漲塞咸淳戊辰郡守黃侍郎萬石嘗
置閘於嚴村灣之北初意障渾潮而潄清水為費
甚鉅然開去江遠且當港口不時啟閉渾潮既不
能殺而外泥易滿加之潮浪衝噶屢至坍塌亦有
議抄沒廢寺田租擬充修治者

前志載至和塘自縣柵至界首二十七里近辛壅塞
尤甚咸淳戊辰鄉貴鄭開國鍊嘗作小斗門於閘
潮館前後以鄣渾潮而亦無益若界首西至夷亭
九里地屬長洲本非縣之閘浚所及尤於民旅非

注曰重刊本

便或謂於塘南曹涇界浦薦浦三港各立堰閘鄣
斷渾潮則吳涇陸市浦諸港湖水不南下而東注
日夕自浚不唯至和塘不塞而并利於小虞浦其
議頗是然其間多却第湖田每慮撩斷則湖水無
池恐致滄浸而圍田於北湖者羽翼其說以沮撓
之不知為閘啟閉初無所害郡守黃侍郎萬石置
小虞浦閘時嘗議及之將上其事於朝會公池
除事遂寢數至而人出當有任事者又或謂此說
終不可行則三歲須一浚有能辦阡陌之祖積三
歲而興一役不科擾於田主不妨礙於田舍以種
田之佃鑿田頭之河事簡後平久而無弊此說不

獨可行於至和塘而近辛所開河處皆可仿而行
之姑錄芻蕘之言以俟後之采擇者

郡國志載婁縣山下有巫咸故宅止言婁縣而不言
何山按婁縣諸山今隸本邑者止馬鞍山無巫咸
故宅之跡他如崑山之類分隸華亭者恐故宅在
其下然考雲間志亦不載此不知志郡國者何所
據而云姑錄以俟博古者問之

風俗

前志載之詳矣然皆全盛時氣象時異事殊巨家上
室公私交困率多替徙市井蕭索如歲懣迎神等
事不復見矣然士風愈淳民習素樸士以到訟庭

卷之二

登酒罏為恥民以務孝養勤本業為事心業有常
古今如一則他邑所不如云

戶口

前志載主客共管戶四萬五千三百六十口一十三
萬四千五百可以稱壯邑矣今踰二十辛竊料為
數未必增益蓋富者遷避貧者轉徙戶冊既缺團
甲多廢無從以考其實恐貽虛增之誚姑仍其舊
云

學校

前志載之亦詳總是則開慶間知縣袁璵創建直舍
且均撥田祖 十 石有畸咸淳間知縣林桂發

創尊道貴德兩祠於講堂東西移四賢六先生祠
增廣而崇奉之近者權令謝公應考核頑佃包占
之祖申明臺府又增一十石有時又每過丁祭
則助以縣庫錢二十餘婚酒三十餘斗又率起主
簿趙時昂照禮經重飾俎豆亦可見其加意學校
然自 朝廷創主學為專官遂分養士之半以供
官吏咸淳己巳知縣張復之始裁定主學俸給月
支省米一十九石更不支錢自訓導以下職事歲
給有差盡革前時紛紜之弊行之三年莫得而易
亦實與諸長上同所建明云

坊市

注：查寫本

前志所載三十二坊僅踰二十年而廢者大半今續
創者書於後

孝感坊在縣市片玉坊內寶祐乙卯邑人曹椿年割
股療母病知縣胡榮白於郡郡守趙右司汝歷立
坊以表之及借補椿年為承信郎節制司使坊今
不存扁歲於椿年家

旌孝坊在縣市忠正坊北咸淳壬申六月邑人榮
剗股救母權令謝公應照條支犒錢未仍具酒醴
以鼓樂迎引是月建坊繼又有張 亦剗股救母
縣令如前表犒之

公宇

縣衙已見前志繼是所修改者讀書堂今改清心堂
景定間知縣陳紹芳於堂後新創一堂雄壯於前
咸淳戊辰知縣林桂發創樂全堂於園內取前令
張文定公所號以為名吳亦大為記壬申權令謝
公應種竹其前尤清闊可愛云

主簿廳已見前志淳祐己酉主簿吳堅創高士軒刻
晦庵先生作同安簿事於壁間寶祐甲寅主簿施
丙又創書院於西偏

尉司已見前志成淳壬申縣尉於泰重修

主學廳在縣學東北咸淳戊辰知縣林桂發建
縣倉已見前志及稅賦門載納苗之法甚詳繼是十

石以下苗亦赴府倉此倉遂無用每歲唯修夾一
兩廡以納職租而隨收隨支亦無可久貯者
酒稅務已見前志自淳祐丙午知縣徐聞詩以坐賣
包稅及移酒庫歸縣司存遂廢僅存門廳務官權
泊其中

贍兵酒庫在縣治東即近民館也自知縣徐聞詩移
稅務歸縣創清酒庫積任仍之後歸郡管差官置
吏始創名贍兵權不逮縣不可自縣治而入乃從
近民館開門庫官就解其中揭以扁額遂為一司
存後雖廢歸本縣而事體仍舊於是近民館松竹
林皆不復為候賓讀書之所甚為創建者惜之

安懷坊已見前志原管歲租五百餘石後為吏卒侵
蠹不能續老之之食咸淳辛酉倉使董左司樸因
坊老有詞行下本縣葺舊圖新量入為出終歲均
得一飽始不孤前人安懷之本心云
縣有戶部犒賞所酒庫已載前志此尚外有本府節
制司酒庫如太倉巴城許浦高墟各有一庫郡帖
差人措置月解徑詣郡於縣無預

稅賦

苗稅已見前志後因 朝省派買公田常賦隨減今
以重定管漑者列於後

秋苗額管五萬四千四百五十七石二斗一升六合

內折苗二千七百單三石七斗三升三合糯苗三
千九百二十二石一斗二升三合粳苗四萬七千
八百三十一石九斗七升

夏稅額管絹七千一百四十疋三丈一尺二寸

課利

課利之取辦者酒稅也坐實包稅始自徐寧開詩其
後鄔秀實以長洲丞攝邑為東倅廳取以供月解
力不能爭由是稅官具員而已若酒息則郡歲撥
折改糯苗一千一百五十餘石借充酒本以辦板
帳以酒息多寡為月解虧足近歲郡不復借撥苗
錢且酒庫事權屬郡為縣者不定所趨不足以供

所解鑿空而辨官吏難之

官租

園營等田已載前志景定甲子 朝省沁買浙郡公
田本縣所買 畝租額斗罷各

隨朝差職事官分司各州任其事始差莊官催運
繼改上戶承佃又置催租官以為統屬近俾憲臺
兼同提領官田所遂省分司及催租官而撥還本
府填苗額者為田 畝則隸郡自催

若東鄉墾地為田租則景定間知縣陳紹芳之所
考覈為田 畝亦隸於郡云

令佐題名

縣令題名已載前令以項公澤而後者載於此而丞
簿尉主學則以各廳壁記錄入

知縣

項公澤

樓昞

胡榮

袁璵

李燾

何處寬

何九齡

楊嘉

陳紹芳

林桂發

張復之

楊源

縣丞

樓璩

郭璠

吳洵仁

孟鑑

向準

朱彥振

歐陽佐世

何浚明

王幹

向子廣

盛簡修

劉焜

洪曉

李耆浚

莫俱

趙善待

邢鉢

晏解

李稷

呂察問

謝深甫

趙善稼

樓鉉

李津

趙威

范公甯

陳蕃孫

黃博文

趙希宗

趙師晃

張傳霖

翟彬

蔡汝揆

紀極

范大雅

張廣幸

趙師法

高衍孫

秦鉉

萬保先

蔡汝弼

趙棟

張本

趙激夫

林靖之

主簿

亡與權

王綸

趙伯璠

郭正仲

俞遠

蔣誼

趙師雲

陳璧

趙希琳

趙彥楠

余甲

張餘慶

李堅

項稚賓

湯遇

王顯宗

趙希瑀

張飛卿

呂宗元

趙若璠

唐震龍

吳堅

施丙

何垓

丁鑒

陳大用

趙宗瀟

逯夢龍

趙崇台

縣尉

施廣勤

王齊興

王萬樞

顏光道

趙伯方

仲度遠

趙明夫

馮必度

陳子冲

葛洪

曹溥

強遵

余瑒

趙希頊

程渙

應泰之

安興

姚洽

王友輔

尹彥仁

洪起宗

鄒宗俊

郁良顯

張宗已

趙汝欽

陳肖孫

俞焯

李振之

富宗禮

沈起潛

吳登龍

趙孟玳

於泰

主學

倪龍躍

包應祥

戴成大

名官

自梁以來已載前志然葛容甫嘗為尉謝子肅嘗為丞俱有政績後登廊廟此則前志失於記載者也事具國史不復重錄自壬子以後若項若吳今則

修入云

項公澤字德潤永嘉人淳祐間自長洲丞辟宰崑山崑山宰自李栲秩滿後更十三任不以善去公澤由童科擢第以文學歸史治留意學校買田養士為政廉敏百廢具舉凡所增創分載前志亦詳見生祠記秩滿造滿嘗丞國子宗正知吉州今淹家食人謂未足以盡其才云

吳堅字彥愷天台人淳祐中為簿留意教養詣學講肄無虛日遵晦庵先生簿同安之法以厚風俗正人倫明義理闢姦邪為先務有所增創分見前志嘗登畿輔歷清要位文昌躋瑣闥今以學士奉祠

進士題名

前志已載進士百二十有八今自文天祥楊績列於後

寶祐四年文天祥楊

邊雲遇龍光應升子 王體文堯章 上舍

開慶元年周震炎楊

林文龍用雨

景定三年方山京楊

凌萬頃叔度 張煇子明

咸淳元年阮登炳楊

郁紹庭繼文 高烈和父 上舍釋褐

人物

自晉以來已見前志然尚有所闕遺如龔立道之有文有學安貧樂道鄉人稱為龔山長名公賦詠多載雜詠名不逮才識者惜之前志僅於龔灑甫之下書其名馬少伊文筆鳴一時嘗司兵部勇退家食以觴詠自樂號曰得閒前志僅於馬伯忠之下書曰先覺紹興進士范良遂次卿事叔剛為兄而文學過之筆斫不靈卜築江上且耕且讀詩興學俱饒自號墨莊有詩集刊於家吳荆溪為序前志并泯其名而僅於叔剛之下書曰姪慶家慶家次卿子也陳正父為端平名執政垂大拜而薨於位

事固已載國史而前志略不及其一二衛清叔易
名文節而前志謬為文穆李彥平達於生死前志
載其作手書徧別親友戒其子毋作佛書事而不
書其問天色何時家人答以月明倘然而逝是時
實同秉志筆由今而觀誰執其咎不當以自恕也
至若失於記載或載而未詳者今則裒類增入併
自序實之世系於後云

張滙字朝宗其先漢人文潞公諸壽為洛陽耆英
會有龍圖直學士張燾即滙之祖也滙當南渡初
五為浙漕時宰臣開督府分道遣兵詔滙隨軍應
副不限是路滙歷江淮歸浙建臺玉峯因家焉

嘗卿棘寺以刑清得詔有體好生之德行寬大之
書之語其家今藏此詔後游歷麾節終於中大夫
直寶文閣由是其子孫為崑山人文脈至今不墜
云

劉過字改之自號龍洲本廬陵人客崑山依妻家而
居過為人尚氣喜飲酒為詞章豪放英特如斗酒
虀肩風雨渡江豈不快哉等詞皆行於世至叩閣
一書請 光皇過宮言極剴切尤諸公所稱許死
葬於馬鞍山東齋之西岡陳止安誌其墓其後詩
人即東齋為祠每暮春邑宰酌祠二卿湯公

中嘗作文遺祭及騷人墨客弔詠甚多俱畱

祠壁邑人呂大中嘗哀諸詩為楚些遺音行於世
陳振字震亨其先古靈之後父遵贛李樂庵之女遂
家於崑山振幼孤而貧遵死無以葬得片地於縣
南六里之圓明卜者謂葬則不利於長子長子即
振也振曰使親歲得甯或不利用於某則有弟尚可
主祭乃即其地以葬後振為紹熙進士歷祀慶節
弟拱亦登端平科陰陽家遂謂其墓為邑地最吉
振天性至孝而祿不逮養刻木以祀一飯必先祭
鄉人尤以此稱之工於作文而詩詞尤高雅好楷
書雖小簡隻字亦不草：人傳為式至今愛之居
鄉急義樂善好汲引後進然有過失者未嘗不規

之以正仕至太府寺丞歷知永瑞州以朝議大夫
致仕自號止安居士有文集五十卷行於世子昌
世繼有文聲尤漫吏事由太府丞知信州以吏郎
召陞見之日 穆陵有一廡可喜之衰後知瑞州
終朝散大夫昌世中辛後即絕欲自奉極澹薄故
自號澹軒居官所至有遺愛皆以節用愛民為本
家有餘粟每於貴糴時損直以濟人鄉人德之子
師尹明復俱紹先烈明復宰象山垂四年士民嘗
借雷當路以達於朝師尹亦通閩籍顯揚未艾識
者謂其後不大云

鄭準字器先本關封人華原郡王之諸孫祖父皆寓

崑山準由蔭補魁銓闈登慶元進士第歷仕知袁州終中奉大夫準生長王侯家氣象如儒素薄於功名厚於道義輕財好客赴人之急如己尤加意姻族仿范文正義莊之意買田給贍至今其子孫仍之不替子端今守高郵自試吏至興藩所至以廉稱行報郡最顯達未量姪疎嘗知秦表韶三州今以奉直大夫奉祠里居尤謙和樂易不與物忤未嘗見其疾聲遽色人以吉人許之辛開八袞福壽未艾諸子俱俊敏能官其後將益昌云

趙緝字君善丞相忠簡公之曾孫父監贊范端明之女兄因家焉監終於知興國軍緝讀書好學至老

不倦而謙恭還默真世所謂吉人者早由上庠登第歷官中正丞都官郎中理皇嘗謂執政曰好一諫官有沮之者出知吉州不以賦祠官祿六斗遂挂冠除直秘閣進直寶章以朝散大夫終辛七十八自號頤庵又號如舟清修寡欲室無妾媵家乏於財若未嘗為官者惟藏書萬卷手自校讐則人所難有未死數辛前嘗自誌其墓死前一夕尚接賓論文後有人夢其旌旗蕭樂導從甚都疑為仙班中人云子序孫勤俱世其賢

王圭字君玉本安吉人父邁來贛崑山因家焉邁登乾道進士第終通判太平州邁死圭幼孤貧力學

孝於其母登嘉定進士第主松陽簿就為令行經
界井一有條理至今版繪其武制行於天下為經
界者準則後知常州入為司封郎官終朝散大夫
自號靜庵有文 卷存於家其居廉官正家無
餘貲死無以斂子敏學強學俱以圭蔭歷任亦廉
謹云

劉必成字與謀居邑之滄浦其先福安人必成少遊
京庠即馳雋聲嘉熙丁酉有七士同叩閣極言時
事必成實為之倡是年七士計偕而必成為武舉
解魁成遂魁天下己酉復中鎖廳蓋以文武兼
資自負者嘗入閣舍兩輪陞對慷慨言邊事援古

必成

證今玉音褒獎以音宣諭宰執謂劉某所言極好
其後俱見於用歷守清潭終湖南副帥自號愛間
翁有三分詩稿行於世

自序昔在帝嘗以木德王為高辛帝次妃簡狄生契
契以功封於商賜姓子氏裔孫成湯為高辛王至
二十九世帝乙生微子啟周封於宋其地睢陽是
也自微子傳國二十三世為平公名成生御戎字
子邊其孫印以王父之字為氏左傳昭公二十二
年宋以邊印為大司徒自是始有邊氏其後分見
於漢晉隋唐五代迨乎我朝世不乏人而所居不
一居薊門者澶州刺史邊思生戶部尚書歸德謹

居太原者中武節度嗣生御史中丞光範惟居楚
世者則出於陳留陳留之有邊氏自詔始詔號經
筭讓進以文才詩書之澤所源委也詔讓而下其
名字之可考者由景祐至於今凡十有三世景祐
生徽徽生延聲延聲生忠告忠告生登漢乾祐
高科為周顯德循吏贈禮部侍郎生肅雍俱登進
士第肅為咸平景德名臣一時人才號為二十四
氣者肅居其首國史有傳澶淵之役肅時守邢內
則地震城隳陴墮不具外則角鳴槊舞鄰壤皆危
乃以孤城死守折篋誓天與家人訣至密詔令便
宜擇利亦匿不宣布令詔書石刻子孫猶藏焉卒

佳。書。

全一城俘獲千計而真魏深趙滋洛六郡築門堅
壁民流城下開門受納來者如歸全活十餘萬人
及戎人請盟壘書趣召便殿賜對起拜樞密直學
士勒名勳臣行且柄用以饒左遷遂成齋志肅生
調登景祐第仕仁宗朝嘗上書訟父寃贈肅為
兵部尚書調終於福建轉運使贈開封府儀同三
司生瑀球珣珉琦而所居分為三派國子博士瑀
居毗陵中散大夫球將作監簿琦居開封朝奉大
夫珣太子中舍珉居姑蘇中散監簿而下中原亂
離譜牒無傳居蘇常者圖系可考其續世科者常
則有蔡密烈蘇則有知章知白知白仗節使虜間

欲冠蜀歌蜀道難以諷由是虜轍西南之役歸武
天官典貢舉卒贈少師范石湖志吳郡嘗載入人
物門珉生靜贈承事郎靜生惇德蜀居於崑已見
前志生隆深瀛沉濟深沈早卒隆瀛詞翰學行表
於時濟幼孤鞠於諸兄志學好修閭里稱爲吉人
暮年以子爲進士與慶典濟生應升應登明經作
賦聯袂鄉書邊氏書脉自此復振應登早世應升
爲實先君子自少穎悟力學自奮重然諾寡言笑
於倫紀備盡不敢一毫非義之財規行矩步鄉士
師式學子藹然有成衛後樂教瞿庵諸先生皆所
器重不惟許其文筆每與人言必指操行爲可敬

陸日童寫本

實昆仲凡三皆先君子自訓迪未嘗有他北面專
門業經父子師友人指邊氏爲讀書之最伯氏明
連捧三薦見漢試南宮仲氏雲遇乙非鄉薦登丙
辰乙科方仕於時獨實無似然顯揚之念此願惕
焉還念鄉邦書脉不絕如縷有能作而起之使百
年文物復還舊觀吾濟有子或可爲箕裘之紹推
原譜系讀祖父未盡之書則中原衣冠不至漸滅
不然深有所懼者實不自揆二十年前嘗同執志
筆緬想舊事恍然如夢更二十年不知又在何處
自序先世之始末以識之而屬攝令謝公爲書先
譚焉

封爵

自吳以來已見前志今以續封者列於後

鄭竦 崑山縣開國男

寺觀

前志載國一禪師道欽受業於景德寺國一禪師者
姓朱氏崑山人元素禪師為之祝髮受學與元素
別戒之曰汝乘流即行逢徑即止後至臨安見東
此一山秀出樵夫曰此徑山也遂居之為開山禪
宗嘗入內庭得師號

前志載慧聚寺殿柱雷火篆書不詳雷篆云何今考
通鑑紀事本末則云慧聚寺大殿二柱有天書如

古之大篆一勳溪火三字一蜿蜒蟠結若符篆而
不可考字大小近尺許好事者或摸印之今并錄
於此今寺山門兩廊稍備邑士邊明嘗作大殿記
向全盛時寺僧星居凡八十餘房五百餘僧今房
廢僧少不及三分之一矣

永懷報德禪院已載前志院有諸天閣相傳僧翟道
川為尉卒時縱囚賊使歸及道川募緣建閣至海
上與賊遇與之巨筏遂以建閣范浩為閣記却不
載此說

惠嚴禪院已載前志自如說去後主非其人至與
田舍家不肖子盜賣院祖事至有司郡守黃侍郎

萬石改撥為咸淳開浚之用欲廢此院鄭開國
誅念此院之創乃成於其家因白於郡乃得復存
止易院額為咸淳庵以其先世原捨田租八十石
專奉鄭氏香火所撥隸開局未仍收貯院廊相傳
開山祖僧 坐亡埋於方丈後數十年曾發視
儼然如生而手指甲反長於前亦異事云

寶慶院十六觀堂方修志時略無廢壞不數年殿堂
佛像下至庖滂蕩無片瓦計其興不滿二十年殊
不可曉前志載其地本逸野堂故基其實非也
薦嚴資福禪寺已載前志咸淳間主僧道元募創七
石塔於寺門之南河移屋三楹於東南以郭之陰

住。寺。寫。小。

陽家所謂其風而規模室塞彼謂欲氣聚識者未
然之

東齋已見前志亦嘗載僧道川駐錫之地今考道川
乃弓手翟超以勇力間被差捕獲賊宿土山下卜
將軍廟忽有所悟徑投東齋為僧徧游江湖間道
遇虎不為動虎亦馴伏其旁一日大書四句云我
有一條鐵柳栗縱橫妙用無人識臨行撥轉上頭
閻轟起一聲春霹靂危坐脫去其徒法全亦崑山
人號無庵嘗行惠應廟前以首觸柱云有所得焉
觀者見其精采奕々而全不自覺後為名僧云
玉虛道院在縣西北卜山下本月華道堂道人陳正

真草創以館雲遊淳祐初邑人徹而新之以奉真
武請於禮部得今額奉吏部陳澹軒像於甬近又
割北斗梓潼魁星祠於其中

廣孝寺已載前志始者甲乙住持繼因僧徒紛擾
朝者更為十方教寺

衍慶薦福院已見前志是請為衛文節公功德寺
主僧師仰創建甚多

祠廟

尊道祠在明倫堂之東先是淳祐辛丑朝旨州縣
學各建六先生祠而止繪像於從祀壁間至己酉
權令吳堅始建祠於東廡咸淳丁非知縣林桂發

重修縣學增祀康節涑水東萊共為九人移其祠

於堂東偏以今名

貴德祠在明倫堂西淳祐己酉權令吳堅建六先生
祠遂祠陸魯望張樂全范希文李樂庵名先賢祠
與六先生祠對峙咸淳丁非邑令林桂發重修縣
學移樂全於守令增祀范石湖衛清叔陳止安共
為六人祠於堂西偏以今名仍與尊德祠相對
惠應廟已載前志竇祐間加神妻為靈感妃改封靈
佑將軍為武信侯近者邑人有請欲申八字之號

有司已覈實奏審行錫徽封云

祠山廟在永懷寺已見前志廟貌踰百年咸淳辛未

秋孟五夜火寺皆不焚獨殿宇像貌頃刻蕪盡
巫侯祠已載前志竇祐癸丑邑士不忘項公澤之教
養嘗創祠於學與此祠相對峙咸淳丁卯知縣林
桂發重修縣學遂并為一祠及其畢工又增祠桂
發與郡守黃侍郎萬石總以賢守令名祠

園亭

鄭氏園已載前志總是史君創漫耕堂水竹環茂可
容數十客葉丞相為書園廳之扁曰玉山佳處園
內西南又有道院庭植落花數百本吳中所無花
時史君領客觴詠其間畱題甚多

陳氏廢園已見前志在縣東二百步後歸澹軒陳史

注：卷之三

君恕齋洪端明扁以四時佳景澹軒之子師尹號
石巖增創寬潔有堂曰光風霽月與鄭園相埒
四賢堂已見前志君子之澤不能五世堂隨宅售像
不復設幸其孫桂高好學能文取四賢繪像藏於
家

喜廉堂在陳吏部昌世家初昌世以吏郎入對天
語間卿一廉可喜後因以名其堂云

玉峯續志畢

玉峯有志尚矣淳祐壬子編類於邊君直學之筆
刊鏤傳信距今踰二十稔咸淳壬申余捧檄代庖
斯邑繙閱是書頗有遺佚若孤買之公曰撥隸若
學校之主學創員或述前輩之詩而曰載諸雜詠
者為不見全璧之歎或題掄魁之名而不編入人
物者有幹棄周鼎之疑是皆累於時之所不及失
於見聞之所不逮爾余因以續志屬之邊君邊君
曰某有志於此久矣敢不自力迺會萃古書披搜
今籍三閱月而書成增入者三十餘條改定者二
十餘條渾一乎風土之宜總一乎事物之備理該
文核綱舉目張并前龔立道所銓擇雜詠亦一新

之余熏香拜觀不忍釋手謹命工繡梓以壽其傳
後有覽者與我同志嗣而續之庶知文獻不泯也
是歲中秋日合沙玉淵謝公應謹跋


石湖先生志吳郡嘗與龔勝周三君子相銓次有
某人持某事求入志不得遂譁曰志非石湖筆也
石湖笑不辨此志之作向出於二人之手事詞或
未一今夏不揆續修將以釐前誤而紀新聞或有
議其擅者其與議吳郡志者若相反焉於此可以
知後進之視先達若天地之相遠絕也於其錫梓
之畢書以自訟之意邊實

邑有山名馬峯以其靈秀鮮潤號為玉山故志崑
山而標以玉峯焉此玉峯志三卷邑人凌萬頃邊
實同謨續志一卷邊實謨凌字叔度登景定三年
進士第見志中進士題名邊則略見其所自序又
以謝公應跋語考之知其嘗為邑直學歸太僕三
江圖叙說引此志以為直學邊實者也郡縣志之
作始盛於宋是志即在宗理宗淳祐末而續於
度宗咸淳八年其時典型未泯載筆者咸得有所
依據故其條理貫串雖寥寥餘紙而邑之山水
風俗以迄朝廷官府政治綱理之盛衰得失俛仰
如繪昔人之記郡邑蓋皆能然非特見於是志已

也後之作者務取多於篇續雖百里小邑志不盈尺何以志郡國何以志天下乎如明永樂中詔修一統志而其書勅襲舛謬蕪雜不成文理之處至無可為句讀非以失前人之體要故與余家向歲是書歲久浸蝕長夏繕閱稍補其損壞而手為繕寫如右邑中想無別本可校對矣

國朝乾隆間所修縣志亦嘗辨此書一二乃僅從明人他署販嚮而得實未嘗見宋人舊帙也凌與邊既皆邑人題曰陽羨曰陳畱者蓋志其舊郡望志中亦云雜詠即龔立道名星者所編次崑山雜詠也與此可以相輔借其不傳久矣時道光二十

秋
辛七月己丑朔十日戌戌邑人吳以淳跋是日立





國家圖書館, NATIONAL CENTRAL LIBRARY, TAIWAN, R.O.C.